

## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



1

10/2006

08 OCT 2010

9(с 43)  
V-93

Մ Ր Ա Ի Ե Ա Ն

Նոյեմբեր 9 (47, 925) 1-0  
Ա-52

# ԺԱՄԱՆԱԿ Է ՍԹԵՓՈՒԵԼՈՒ

(Մի դաշնակցականի դիմումը իր ընկերներին)

ՀՐԱՏԱՐԱԿՈՒԹԻՒՆ

ՄԻ ԽՈՒՄԲ ԵՐԻՏԱՍԱՐԴ ԴԱՇՆԱԿՑԱԿԱՆՆԵՐԻ

ԳԻՆՆ Է 15 ԿՈՊ.



Վ Ի Ե Ն Ն Ա

ԵՂՔ. ՅԱԿՈՐԵԱՆՆԵՐԻ ՏՊԱՐԱՆ

1906

9(C43)  
5-93

Մ Ր Ա Ի Ե Ա Ն

Մ Տ Ա Յ Գ Ա Մ  
Հրատված  
1906  
№ 7341

Նոյր լիակ

Փ Ե Մ Ա Ն Ե Կ Է

Ս Թ Ե Փ Ո Ւ Ե Լ Ո Ւ

(Մի դաշնակցականի դիմուք իր ընկերներին)

6179  
2203  
1782

Հ Ե Մ Ա Ն Ե Կ Է  
Ս Թ Ե Փ Ո Ւ Ե Լ Ո Ւ  
Կ Ե Մ Ա Ն Ե Կ Է  
Ս Թ Ե Փ Ո Ւ Ե Լ Ո Ւ  
Կ Ե Մ Ա Ն Ե Կ Է  
Ս Թ Ե Փ Ո Ւ Ե Լ Ո Ւ

1904 թ.

Գ Ր Ա Դ Ա Ր Ա Ն  
V II-18 1925  
Ս Յ Ա Ս Ե Կ Ե Ն Ե Ր

1906

FEB 2013

5473

Այն մտքերը, որ ես այստեղ այսպէս հրապարակօրէն արտայայտում եմ, ես ոչ միայն խորհել, մտածել եմ, այլ և զգացել եմ մինչև հոգուս խորքերը, ապրել եմ այդ ամենը: Ես այն դուրս եմ բերել տանջանքների աշխարհից: Ճշմարտութիւններ ապելու ես յաւակնութիւն չունեմ, բայց համոզուած եմ խորապէս, որ մենք գնում ենք ոչ այն ճանապարհով, որով պէտք է ընթանայինք: Եւ ցանկալի կը լինէր, որ մեր բոլոր ընկերները քննադատական յետադարձ հայեացք գցէին անցած ուղիի վրայ և որոշէին, թէ այսուհետև ո՞րն է մեր ճանապարհը:

ԵԵ



4791-2010

ՆՈՒԷՐ

ԵՐԿՐԻ ԳՈՐԾԻԶՆԵՐԻՆ—

Իմ արսակից ընկերներ՝

ՎԱՀԱՆԻՆ (ԿՈՄՍԻՆ) ԵՒ ՍԱՐԳՍԻՆ

ՄՐԱՆԱՆ

60-ական և 70-ական թւականներից մեր մէջ  
Կովկասում սկսում է զարգանալ կապիտալիզմը: Բա-  
զուի նաւթարդիւնաբերութիւնն էր, որ մի հսկայա-  
կան զարկ տուեց Կովկասի արդիւնաբերական կեան-  
քին: Ակներև է, որ անտեսական մի ամբողջ յեղաշր-  
ջում պէտք է առաջ բերէր համապատասխան յեղաշր-  
ջում և սօցիալական կեանքում: Եւ ահա առաջ է դա-  
լիս մի ուժեղ դասակարգ—արդիւնաբերական բուր-  
ժուազիան և յատկապէս հայ բուրժուազիան, որը իր  
վրայ է բեռնում ամենքի ուշադրութիւնը:

Սկսում է հնի և նորի պայքարը—մի կողմը  
երիտասարդ և ուժեղ բուրժուազիան, միւս կողմ մեռ-  
նող ֆեոդալիզմի ներկայացուցիչ ազնուականութիւնը:

Այստեղ մի հանգամանք չափազանց խճճում է  
խնդիրը և, խանգարելով իրերի ճշգրիտ ըմբռնողու-  
թեանը, առիթ է տալիս խոշոր թիւերի մացութիւնների:  
Պա ազգայնական խնդիրն է: Բանը նրանումն է, որ  
նորածին բուրժուազիան բաղկացած էր գլխաւորապէս  
հայերից, իսկ մեռնող ազնուականութիւնը վրացիներ-  
ից և թուրքերից: Ճիշտ է, թուրքերն էլ ունեն խոշոր  
բուրժուազիա, բայց այդ բուրժուազիան լինելով մի-  
այն դրամատէր և ըէնտեօր, որ ոչ մի ակտիվ մաս-  
նակցութիւն չունի երկրի արդիւնաբերական կեան-  
քում, իր սօցիալական դիրքով, իր շահերով և ճրգ-  
տումներով աւելի մօտենում է ազնուականութեանը,  
քան ժամանակակից մտքով հասկացող արդիւնաբե-  
րական բուրժուազիային:

Երբ մենք հայեացք ենք ձգում ազգերի պատմութեան վրայ, մենք տեսնում ենք, որ տիրող դասակարգերը, իշխելով ժողովրդի վրայ և հայելով նրա վրայ սեփական շահերի պրիզմայի միջոցով, երբէք չեն ընդունել ժողովրդի ուրոյն շահերի գոյութիւնը և նրա շահերը միշտ համանիշ են համարել իրանց սեփական շահերին: Եւ աշխատաւոր ժողովուրդը միշտ աւելի կամ պակաս ենթարկուել է տիրող դասակարգերի ազդեցութեան՝ նայած թէ նա դասակարգային գիտակցութեան որ աստիճանի վրայ է կանգնած եղել:

Դասակարգային գիտակցութիւնը թէ հայերի, թէ վրացիների և թէ նամանաւանդ թուրքերի մէջ շատ ցածր աստիճանի վրայ էր: Ահա թէ ինչու մի զուտ սօցիալական պայքար, բուրժուազիայի և ազնուականութեան պայքարը այնքան հեշտութեամբ վերածուեց ազգայնական պայքարի: Ահա թէ ինչու թուրք և վրաց ազնուականութեան ատելութիւնը զէպի հայ բուրժուազիան փոխարկում է թուրք ու վրացի ժողովուրդների ատելութեան զէպի հայ ժողովուրդը: Ահա թէ ինչու քրիստոնեայ և կուլտուրական վրացիները համակրում են ոչ թէ քրիստոնեայ և կուլտուրական հայերին, այլ մահմեդական և յետամնաց թուրքերին, որոնց տիրող դասակարգը՝ ազնուականութիւնը սակայն ունի նոյն դասակարգային շահերը, ինչ որ վրաց ազնուականութիւնը:

Եւ ահա մենք տեսնում ենք հետևեալ ընդունապատկերը: Մինչդեռ հայ բուրժուազիայի իղէօլօֆներկայացուցիչ Արծրունին իր «Մշակ» լրագրում բարձրացնում է կովկասեան ազգերի ազատութեան, հաւասարութեան և եղբայրութեան կոչը, ընդհակառակը վրացի և թուրք ազնուականութեան իղէօլօֆ ներկա-

նացուցիչները՝ ճավճավաձէները և Աղայեֆները լսել անգամ չեն ուզում այդ մասին և մի բերան գոռում են, որ հայերը խլեցին վրացիների և թուրքերի ձեռքից նրանց հայրենիքը: Հայերի եղբայրութեան և հաւասարութեան քարոզին թուրքերը և վրացիները պատասխանում էին անզուսպ ատելութեամբ զէպի հայերը: Եւ դա շատ հասկանալի է: Եւ իսկապէս, հայ բուրժուազիան, որպէս իր պրօտօտիպ ֆրանսիականը, հնչեցնում է հաւասարութեան և եղբայրութեան ձայնը ոչ այն պատճառով, որ նա սխալորէ է իսկական հաւասարութեան և եղբայրութեան, այլ այն պատճառով, որ միայն «հաւասարութիւնը և եղբայրութիւնը», այսինքն ազնուականութեան արտօնութիւնների ոչնչացումը և նրա իրաւունքների հաւասարացումը բուրժուազիայի իրաւունքներին, վերջնական հարուած կը տայ ֆէօդալական կարգերին և ճանապարհ կը բացէ բուրժուազիայի անարգել առաջխաղացութեան: Ահա թէ ինչու երբ «Մշակ»-ը եղբայրութիւն էր քարոզում կովկասեան ազգերի և մասնաւորապէս հայերի, թուրքերի և վրացիների մէջ, այս վերջինների մէջ այդ քարոզը միայն բացասական արձագանք էր գտնում, քանի որ նրանք լաւ էին ըմբռնում, որ բուրժուազական «Մշակ»-ի բերանում եղբայրութեան քարոզը ոչ այլ ինչ է, եթէ ոչ մի մարտական կոչ, որի նպատակն է խլել վրացիներից և թուրքերից, աւելի ճիշտը նրանց ազնուականութիւնից նրա ֆէօդալական իշխանութիւնը և ֆէօդալական կարգերի տեղ հաստատել սեփականը՝ բուրժուականը:

Այս պայքարը հայ բուրժուազիայի և թուրք ու վրացի տիրող դասակարգերի միջև սկսուած է վաղուց, տասնեակ տարիներից ի վեր: Մինչև հիմա այդ ան-

տագոնիզմը երկու թշնամի բանակաների միջև ոչ միայն  
չը հասաւ իր վախճանին; այլ ընդհակառակը, հէնց  
ներկայումս շնորհիւ Ռուսաստանի անցկացրած փոխան-  
ցուկ և անարխիական շրջանին՝ արտայայտուեց մի ա-  
ռանձին ուժգնութեամբ:

Վրացիք բուրժուազիա չունէին, կամ համարեա  
թէ չունէին: Բայց նրանք ունէին մի անագին ազ-  
նուականութիւն, որից դուրս եկան վրացիների ազ-  
գային վերածնութեան առաջին պիօներները: Ազ-  
նուականութիւնն էր, որ իր միջից տալիս էր ինտելի-  
լիզենցիա, ազնուականութիւնն էր, որ մամուլ և դըպ-  
րոցներ ունէր և առհասարակ ազնուականութիւնն էր,  
որ ժողովրդի մտաւոր կեանքին ուղղութիւն էր տա-  
լիս: Իսկ ի՞նչ ուղղութիւն էր դա: Վրաց ազնուակա-  
նութիւնը իր իդէօլոգներին—ձալձալաձէներին և Յերե-  
թելիներին միջոցով մամուլի էջերում և այլ ասպարէզ-  
ներում կատարի կռիւ էր մղում բուրժուազիայի դէմ,  
յատկապէս հայ բուրժուազիայի դէմ, և որովհետև տի-  
րող դասակարգերն իրանց ձգտումներին միշտ ազգա-  
յին բնաւորութիւն են տալիս, ապա վրացի ազնուա-  
կաններն իրանց դասակարգային կռիւը հայ բուրժուա-  
զիայի դէմ յայտարարեցին վրացիների և հայերի ազ-  
գային պայքար: Ի շուրջ ամբողջ վրաց ժողովրդի նրանք  
յայտարարում էին, թէ կեղեքիչ հայերը տիրեցին ամ-  
բողջ Վրաստանին, թէ հայերը ստրկացրին ամբողջ  
վրաց ժողովուրդը: Գիտակցութիւնից զուրկ վրացի  
մասսան չէր կարող նկատել, որ կռիւը դասակարգա-  
յին է և ոչ ազգային, որ ազնուականութիւնը ոչ թէ  
վրաց ժողովրդի մասին է հոգում, այլ իր սեփական  
կաշուի մասին, որ նա պարզապէս մոլորեցնում և  
խտրում է ժողովրդին: Եւ անա վրացի ազնուականու-

թեան և նրա իդէօլոգ-ինտելիզենցիայի միջոցով տա-  
րածում է վրաց մասսայի մէջ հայատեացութեան  
թոյնը:

Հայերը տիրեցին Վրաստանին և ստրկացրին  
վրաց ժողովուրդը—պէտք է կուռել նրանց դէմ և ա-  
զատուել նրանցից: Այսպէս էր ասում ազնուականու-  
թեան հին սերունդը յանձին ծաւճաւաձէի և ուրիշնե-  
րի և կուռում էր հայ բուրժուազիայի դէմ հին, մա-  
շուած, միջնադարեան զէնքերով: Սակայն ժամանակի  
ընթացքում առաջ եկաւ նացիօնալիստական շկոլայով  
անցած, շովինիզմի թոյնով սնուած ու դաստիարակուած  
մի նոր, թարմ ինտելիզենցիա, որը աւելի խորը ըմ-  
բռնեց իրերի դրութիւնը, որը պարզ կերպով տեսաւ,  
որ ծաւճաւաձէների իդէալը—Փեօզալիզմի պահպանու-  
մը—մի ցնորք է, որ Փեօզալիզմը անդառնալի կերպով  
մահուան է դատապարտուած:

Բայց ի՞նչ անել, ի՞նչպէս ազատել Վրաստանը  
«հայերի ստրկացումից»: Պէտք է կուռել հայ բուր-  
ժուազիայի դէմ: Իսկ կուռել բուրժուազիայի դէմ ներ-  
կայ պայմաններում կարելի է միայն մի ճանապարհով՝  
այն, որ ցոյց է տուել Մարքսը: Եւ անա մենք դիտում  
ենք մի ըստ երևոյթին զարմանալի և ուշադրաւ երե-  
ւոյթ.— մի վերին աստիճանի շովինիստ, միեւոյն ժա-  
մանակ անզուսպ հայատեաց մի ինտելիզենցիա, որ  
սակայն մինչև հոգու խորքերը սիրահարուած է Մարք-  
սի և նրա գաղափարների վրայ: Հազիւ թէ սխալ լի-  
նի, եթէ ասելու լինինք, թէ վրաց ամբողջ ինտելի-  
զենցիան դաւանում է մարքսիզմի հիմունքները, կամ  
աննուազն գործում է մարքսիզմի դրօշակի տակ:  
«Սխիվի», «Մօզգաուրի», «Իվերիա», «Ցնուրիս Փուրջի-  
լի», «Возрождение»—բոլորը, բոլորը խօսում են մարք-

սիզմի և գիտական սօցիալիզմի անունից և ըստ երեւոյթին պրօլետարիատի և աշխատաւոր ժողովրդի ձգտումների իսկական թարգմանն են հանդիսանում: Եւ սակայն դէպի աշխատաւոր ժողովուրդը տածած սէրը չէ, որ միացնում է սօցիալ-դեմօկրատիայի կամ մարքսիզմի դրօշակի տակ վրաց ինտելիգենցիան, այլ այն ատելութիւնը, որ նա տածում է դէպի հայ բուրժուազիան: Ահա թէ ինչու սօցիալ-դեմօկրատիան վրացիների մէջ մաքուր պրօլետարական մի կուսակցութիւն չէ, այլ պարունակում է իր մէջ հսկայական դօզա ամենավատ նացիօնալիզմի՝ շովինիզմի և յատկապէս հայատեացութեան, որ այնքան պարզ կերպով արտայայտուեց հայ-թրքական ընդհարումների ժամանակ, երբ վրացի սօցիալ-դեմօկրատները աշխատում էին ամեն կերպ ընդհարումների մեղքը գցել հայերի վրա, մինչդեռ դէպի թուրքերը տածած նրանց վերաբերմունքը պարզապէս համակրական էր: Ինչ վերաբերում է վրացական մնացած շրջաններին (որոնց օրգաններն են «Ցնօրբիս Փուրցելի», «Իվերիա», «Возрождение»), — այստեղ արդէն հայատեաց զգացումների բռնակումը աւելի ուժգին էր և չարախնդութիւնը հայերի դժբախտութիւնների հանդէպ հասնում էր պարզապէս ցինիզմի:

Սակայն հայատեացութեան այդ բռնկումը վրաց ժողովրդի մէջ մի անմեղ երևոյթ էր համեմատած վանդալական այն բռնկման հետ, որով արտայայտուեց թուրք տիրող դասակարգերի ատելութիւնը դէպի հայ բուրժուազիան:

Եթէ վրաց ազնուականութիւնը նոյն իսկ սօցիալ-դեմօկրատիայի միջոցով և յանուն մարքսիզմի կարողացաւ պատուաստել հայատեացութեան թոյնը վրաց

ժողովրդի մէջ և այդպիսով արգելք հանդիսանալ երկու ժողովուրդների աշխատաւոր դասի սերտ միացմանը, բայց նա չը յաջողեց առաջ բերել եղբայրասպան պատերազմը հայերի և վրացիների մէջ, այն սոսկալի պատերազմը, որ յաջողեցրեց թուրք տիրող դասակարգը հայերի և թուրքերի մէջ: Եւ դա ոչ թէ այն պատճառով, որ վրաց ազնուականութիւնը պակաս եռանդուն էր կամ աւելի մարդասէր, քան թուրք բէգութիւնը, այլ այն պատճառով, որ վրացի և թուրք ժողովուրդները գտնուում են կուլտուրական (անտեսասական) տարբեր աստիճանների վրայ: Մինչդեռ առաջինը դարերից ի վեր վարում է նստակեց և երկրագործական կեանք, երկրորդը դեռ չէ դուրս եկել նօմադական շրջանից: Մեր հարեան թուրքերի մի խոշոր մասը դեռ ևս թափառական խաշարածային (նօմադակօն) կեանք է վարում, իսկ միւս մասը, որ նոր է նստակեաց դառել, դեռ չէ կորցրել նօմադի հոգիքանութիւնը: Կուլտուրական տարբեր շրջանները մարդկանց մէջ ստեղծում են տարբեր հոգեբանութիւն: Եւ մինչդեռ երկրագործական կեանքը մասնաւոր-անհատական սեփականատիրութեան հիմունքների վրայ մարդկանց ներշնչում է անհատականութիւն, իսկ նստակեաց կեանքը — խաղաղասիրութիւն, ընդհակառակը՝ թափառական-խաշարածային կեանքը մարդկանց մէջ զարգացնում է երամակային բնազդը և այն բնազդները, որոնք սովորաբար կոչւում են վանդալական — թալանի, սպանութեան և աւերածութեան բնազդները: Ահա կուլտուրաների այդ տարբերութիւնն է պատճառը, որ մինչդեռ վրացի իշխանը ոչ մի անմիջական ազդեցութիւն չունի իր համացեղակից վրացիների վրա, — շնորհիւ նրանց անհատականութեան, ընդհակառակն թուրք բե-

զը անսահման անմիջական աղդեցութիւն ունի թուրք մասսայի վրայ, որ առաջնորդուեմ է միայն երամակային բնազդներով: Մինչդեռ վրացի իշխանը երբէք չէր կարող ոգևորել վրաց մասսան թալանի, սպանութեան և աւերածութեան հեռանկարներով, ընդհակառակը թուրք մասսան, այսպէս ասած, մեռած է դրանց համար \*):

Եւ անա մենք տեսնուեմ ենք; որ մինչդեռ վրաց ազնուականութիւնը, ինչպէս և զանազան վելիչկոններ, չը կարողացան քարշ տալ իրանց յետեից դէպի ակտիվ դործողութիւններ հայերի վերաբերմամբ վրաց աշխատաւոր ժողովրդին, թուրք ազնուականութիւնը, օգտելով թուրք մասսայի վրայ ունեցած իր անսահման աղդեցութիւնից և նրա սպեցիֆիկ նօսադական—վանդալական բնազդներից, քաղաքական առաջին բարեյաջող պայմաններում պատերազմ հրատարակեց հայ բուրժուազիային:

Բայց հայ բուրժուազիայի կռիւը միայն վրացական և թուրքական ֆեօդալիզմի դէմ չէր, այլև հայկական ֆեօդալիզմի դէմ, որի համարեա միակ ներկայացուցիչը եկեղեցին էր, որը ամբարած ունէր իր մէջ ամբողջ միջնադարեան ֆեօդալական իդեօլոգիան: Արծրունին էր, իր «Մշակով», որ առաջին անգամ այնքան

\*) Ըստ Իվանովիչի նորանցեալ զարի վերջին երեք տարիներում Գանձակի նահանգում տեղի են ունեցել 2,800 սպանութիւններ և հազարաւոր թալաններ: Շատ բնորոշ է և այն փաստը, որ թուրք արիստոկրատ ընտանիքները՝ ամենայայտնի խաները և բէգերը նոյն իսկ՝ միակ պատուաբեր զբաղմունքը համարում են որսը և ծախսը, երկուսն էլ ատաւիստական հետքեր տընտեսական երկու նախնական շրջանների—որսորդական և նօսադական:

շառաչիւնով հրապարակելու և երիտասարդ հայ բուրժուազիայի անունից թաշկինակ նետեց զառամեալ հայ ֆեօդալիզմին: Հաւատարիմ բուրժուական լիբերալիզմի հիմնական սկզբունքներին, նա այստեղ ևս կուռում էր կղերական կասառայականութեան, նրա բացառիկ իրաւունքների և արտօնութիւնների դէմ, և ժողովրդական սկզբունքը լօղունգ ընդունելով, պահանջում էր, որ եկեղեցու դեկը յանձնուէ իրան՝ ժողովրդին: Դարձեալ և դարձեալ բուրժուական լիբերալիզմի նոյն աւանդական կոչը—ազատութիւն, հաւասարութիւն և եղբայրութիւն: Եւ սակայն, ինչպէս Ֆրանսիականը 89 թուին, այնպէս էլ այժմ հայ բուրժուազիան ժողովրդական սկզբունքը առաջ մղելով, ամենից քիչ մտածում էր ժողովրդի մասին: Նրա համար կարևոր էր, որ կղերականութիւնը դադարէր կասառ լինելուց, զրկուէր իր դասակարգային արտօնութիւններից, իսկ այդ իրագործուելուց յետոյ նրա բոլոր իրաւունքները փաստօրէն բնական ճանապարհով պէտք է անցնէին բուրժուազիայի ձեռքը: Եւ այդպէս էլ եղաւ: Երբ ժողովրդական սկզբունքը յաղթանակեց, թէ պարոցների հոգաբարձութիւնը, թէ եկեղեցիների երեսփոխութիւնը և առհասարակ եկեղեցուն յատկացրած այն բոլոր իրաւունքները, որոնք խլուեց կղերականութիւնից, անցան բուրժուազիայի, աղայականութեան ձեռքը:

Եւ սակայն Արծրունու և առհասարակ մեր լիբերալ-բուրժուական բանակի այս կռիւը հայկական ֆեօդալիզմի-կղերականութեան դէմ անպայման առաջադեմական-յեղափոխական մի քայլ էր, քանի որ այդ կռիւը աւելի յետամնաց հասարակական կարգերի դէմ էր, քան բուրժուական կարգերն են: Արծրունին քանդում էր միջնադարեան հին, խարխուլ շէնքսը, գիշերային չղջիկ-

ների այդ խորհրդաւոր բոյնը, — ահա թէ ինչո՞ւ մեր ժողովրդի բոլոր առաջադիմական տարրերը ծափահարում էին նրան: Բայց երբ միջնադարեան ամբողջ փլեց և նրա տեղ բուրժուազիան կառուցեց իր շրացուցիչ (աւաղ, միայն շրացուցիչ) ապարանքը, այն ժամանակ արդէն այդ ապարանքի ներքնայարկերից երևան եկան պրօլետարիատի ըմբոստ դաւակները և յայտարարեցին. — մենք հիմնահատակ կանենք բուրժուական այս փառահեղ շէնքը և նրա տեղ կը բարձրացնենք սեփականը — սօցիալիստականը:

Արժրուենին այդ ժամանակ արդէն չըկար: Հազիւ էր նա վերջացրել իր կռիւը միջնադարեան կարգերի և գաղափարների դէմ, երբ նա մեռաւ: Արժրուենու համար այդ հափազանց բաղդաւոր գուղադիպութիւնը առիթ է տալիս մի թիւրիմացութեան: Արժրուենու մահը մի սահման է նախկին և յետագայ «Մշակի» մէջ: Մինչդեռ նախկին՝ Արժրուենու «Մշակը» քանդում էր հինը և նրա տեղ նորը կառուցում, յետագայ՝ Քալանթարի «Մշակը» այլ ևս ոչ քանդելու և ոչ էլ շինելու բան ունէր, ամենաշատը նա միայն կարկատաններով կարող էր դրադուել, իսկ ընդհանրապէս պէտք է աշխատէր պահպանել այն, ինչ որ ստեղծել էր իր նախորդը: Այդ հանդամանքն է պատճառը, որ շատերը (ինչպէս օր. «Յառաջը»), կարծում են, թէ Արժրուենուն և նրա յետնորդ Քալանթարին սարեր ու ձորեր են բաժանում Դա ինարկէ մի թիւրիմացութիւն է: Կատարելապէս ոչ մի սկզբունքային տարրերութիւն չըկայ Արժրուենու և Քալանթարի աշխարհայեցողութեան մէջ: Եթէ Արժրուենին ապրէր, նա այժմ նոյնը պիտի ասէր, կամ աւելի շուտ ծամծամէր, ինչ որ ծամծամում է Քալանթարը: Նա նոյնպէս պայքարողի և առաջադիմականի դերից

պիտի անցնէր պահպանողականի դերին: Միակ տարրերութիւնը Արժրուենու և Քալանթարի մէջ — այդ այն է, որ մինչդեռ առաջինը ծնուել է բուրժուական կեանքի արշալոյսին, երկրորդը դժբախտութիւն է ունեցել երևան գալու այդ կեանքի գազաթնակէտին, երբ բուրժուազիայի յետևից հրապարակ ելած խիզախ աշխատաւորը մահ է սպառնում բուրժուական կարգերին և մի նոր կեանքի՝ իսկական ազատութեան, հաւասարութեան և եղբայրութեան հիմքն է, դնում յաւիտենապէս տանջուող մարդկութեան համար:

Այդպիսով մենք տեսնում ենք, որ մինչև 90-ական թուականների սկիզբը հայկական բուրժուական մամուլը կատարում է առաջադիմական դեր: Միևնոյն ժամանակ մենք տեսնում ենք ամբողջ հայ մամուլի մէջ թէ բուրժուական և թէ կղերական, վերին աստիճանի լրջութիւն, որովհետև կռիւը երկու բանակների մէջ տեղի ունէր հիմնական, սկզբունքային խնդիրների շուրջը: Այդ լրջութիւնը չէ կրում այլ ևս հայ մամուլը 90-ական թուականներից, երբ սկզբունքային խնդիրները արդէն վճռուած էին, և մենք տեսնում ենք, որ այնուհետև լուրջ կուսակցական կռիւների փոխարէն առաջ են գալիս թայֆայական կռիւներ: Ի՞նչն էր պատճառը մամուլի այդ տեսակ ճահճային դրութեան: Մի՞թէ կանգ էր առել հայկական կեանքը: Ոչ իհարկէ: Հասարակական մտքի կանգ առնելու պատճառը ոչ թէ օրգանական էր, այլ արտաքին, արհեստական: Չը կար մամուլի ազատութիւն Ռուսաստանում, իսկ հայկական մամուլի դէմ յարուցած կառավարչական հալածանքը սոսկալի գոյն էր կրում: Կիսաֆեոդալական-կիսաբուրժուական կառավարութիւնը խօսքի թոյլ ազատութիւն էր տուել բուրժուական

«Մշակին» և կղերական «Նոր-Դարին», որոնք շարունակում էին քարոզել իրանց հնամաշ և փթած գաղափարները: Ժամանակն էր, որ քնից արթնացած աշխատաւոր դասը ունենար իր օրգանը, արծարծէր իր դասակարգային շահերը, պայքարէր բուրժուական կտրգերի և գաղափարների դէմ: Սակայն շնորհիւ կառավարչական ճնշումների այդ տեղի չունեցաւ և ամբողջ հայ ազգը, որի թւում և ամբողջ հայ աշխատաւոր մասսան տամենակ տարիներ ստիպուած եղաւ աշակերտել բուրժուական «Մշակին», որը կամաց կամաց աննկատելի կերպով թունաւորեց ժողովրդի միտքը բուրժուական գաղափարներով, և աշխատաւոր դասը փոխանակ գիտակցելու իր դասակարգային շահերը, վարակուեց բուրժուական աշխարհայեացքով, բուրժուայի շահերը իր սեփական շահերը համարելով:

Այս հանգամանքը միակը չէ, որ սպանեց հայ աշխատաւոր դասի դասակարգային գիտակցութիւնը: Կան աւելի ծանրակշիռ հանգամանքներ:

Միայն մամուլը չէր, որ շնորհիւ քաղաքական ճնշումների բուրժուազիայի մօնօպօլիան էր դառնու: Կուլտուրական բոլոր ասպարէզներում տիրապետողը բուրժուազիան էր: Բուրժուազիան էր, որ հիմնեց Լազարեան ձեմարանը, Ազաբարեան, Սանասարեան դպրոցները: Բուրժուազիայի միջոցներով էր, որ հիմնուեցին Գեորգեան ձեմարանը, Ներսիսեան և այլ թեմական դպրանոցները, հարիւրաւոր ստորին ծխական դպրոցները, բուրժուազիան էր, որ հիմնեց բարեգործական, հրատարակչական, թատրոնական և այլ ընկերութիւնները, բուրժուազիան էր, որ հարիւրաւոր հայ ստիպեցողիանսներ էր պահում զանազան միջնակարգ և բարձրագոյն դպրոցներում: Այդպիսով մենք

տեսնում ենք, որ հայ ժողովուրդն իր ամբողջ մտաւոր սնունդը ստանում է բուրժուական աղբիւրից, իւրացնում է բուրժուական աշխարհայեացքը:

Սակայն ազգային վերածնութեան հիմքը դնելով Կովկասում մամուլի և դպրոցների միջոցով, բուրժուազիան տեսնում էր, որ կուլտուրական վերածնութիւնը դեռ չէ նշանակում քաղաքական վերածնութիւն, և որովհետեւ ամեն մի ազգի բուրժուազիայի հոգու ամենանուիրական տենչը ազգային պետութիւնն է, որը նրա շահերի հաւատարիմ պաշտպանը լինէր, այդ պատճառով էլ կովկասահայ բուրժուազիայի մէջ ծնւում է ազգային ինքնուրոյնութեան գաղափարը, և որովհետեւ Ռուսաստանի սահմաններում կովկասում նա չէր կարող երեւակայել անկախ Հայաստան, այդ պատճառով նա մի առանձին երախտագիտութեամբ իր հայեացքը դարձնում է դէպի «արեւելեան քրիստոնեաների պաշտպան» Ալէքսանդր II-ը, երբ այս վերջինս Սան Ստեփանօյի դաշնագրի մէջ մտցնում է 16-րդ յօդուածը: Հայ բուրժուազիան հաւատում էր, որ Ռուսաստանի աջակցութեամբ թիւրքաց-Հայաստանում մի նոր ազատ Բօլզարիա կը ստեղծուի:

Եւ այդպէս, Տաճկա-Հայաստանի ազատագրման գաղափարը Կովկասում առաջին անգամ ծնունդ առաւ բուրժուական շրջաններում: Արծրունին և մշակականները այդ գաղափարի ամենաշերտ կողմնակիցներն էին: Ինչ վերաբերում է կղերականութեան, նա բացարձակապէս դէմ էր ազատագրական շարժմանը. թէ Տաճկա-Հայաստանում և թէ Կովկասում:

Մինչդեռ բուրժուազիան պնդում էր, թէ մենք Կովկասում ոչ մի ապագայ չունենք և փաղ թէ ուշ ազգային տեսակէտից մենք կորած ենք, այսինքն պի-

171  
1910-1914  
3022  
4491-2010  
(8719)

տի ձուլուենք ավելի զօրեղ ազգերի հետ, թէ մեր քրքրկութիւնը, մեր ապագան միայն թիւրքաց Հայաստանունն է և անհրաժեշտ է, որ ամբողջ հայ ազգը առանց դասակարգերի խտրութեան լարէ իր ոյժերը և ստեղծէ այնտեղ մի ազատ հայրենիք, մի գլուխ դնելու տեղ, ուր կարելի լինէր ծաղկեցնել «սեփական ազգային կուլտուրան», — կղերականութիւնը՝ ընդհակառակը՝ պնդում էր, որ մեր փրկութիւնը, մեր ապագան Հայաստանեաց եկեղեցու մէջ է, նրա բարեգարգութեան և առաջադիմութեան մէջ և անհրաժեշտ է, որ հայոց ազգը ոչ այլ ինչի մասին չմտածէ, այլ միայն և միայն եկեղեցին հաստատ պահելու և շէնացնելու մասին:

«Հայոց ազգի փրկութեան» այս երկու տարբեր ճանապարհները առաջանում են մեր երկու տիրող դասակարգերի՝ բուրժուազիայի և կղերականութեան դասակարգային տարբեր շահերի ձիշտ ըմբռնողութիւնից: Կղերականութիւնը դէմ է հայկական ազատագրական շարժմանը շատ հասկանալի պատճառով: Կղերականութիւնը, հայկական ֆէօդալիզմի այդ գլխաւոր ներկայացուցիչը, համարեա միակ արածնեալ դասակարգն է հայերի մէջ՝ թէ թիւրքիայում, թէ Ռուսաստանում: Հայոց առաջնորդը թուրք փաշայի և ուսս նահանգապետի հետ միասին համահաւասար չափով միշտ կեղեքելիս է եղել ժողովրդին, և, որպէս շահագործող մի դասակարգ, հաստատիոր և պօրտաբոյժ կղերականութիւնը մեր կեանքում նոյն դերն է կատարել, ինչ որ ազնուականութիւնը վրացիների, թուրքերի և ուրիշ ազգերի մէջ: Ահա թէ ինչու մեր կղերականութեան իդէօլոգները — Պետրոս Սիմօնեան, Արզար Յովհաննիսեան, Սպանդար Սպանդարեան միշտ անզուպ կա-

տաղութեամբ են վերաբերուել դէպի ամեն մի ըմբռնացում հայերի մէջ, բացի այն պատմական ըմբռնացումից որ տեղի ունեցաւ եկեղեցական կալուածները խլելիս, երբ կղերականութեան իդէօլոգները մի չը տեսնուած համարձակութեամբ գոռում էին, թէ «հայրենիքը» վտանգի մէջ է, այսինքն վտանգ կար, որ եպիսկոպոսների հաստ փորերը պէտք է ըստ կարգին ներս ընկնէին: Բոլոր մնացած դէպքերում «Արձագանքը», «Մեղուն», «Նոր-Դարը» միշտ հայնոյել են յեղափոխականներին, որ նրանք զայրացնում են բարեխնամ Սուլթանական և ուսսական կառավարութիւնը և քարոզել են, որ «հայ ազգի» (իմա հաստափոր կղերականութեան) փրկութիւնը եկեղեցու մէջ է միայն:

Նոյն դասակարգային տեսակէտով առաջնորդուելով, բուրժուազիան «մեր» փրկութիւնը տեսնում է ազատ Տաճկա-Հայաստանում, որովհետեւ վերլուծելով այդ տեսակէտն էլ, դարձեալ տեսնում ենք, որ ինչպէս կղերականութիւնը «մեր» կամ «հայոց ազգ» ասելով, աչքի առաջ ունի իր սեփական դասակարգային շահերը, նոյնը և բուրժուազիան: Եւ իսկապէս, ի՞նչ է նշանակում, թէ «մեր» փրկութիւնը «այնտեղ» է, թէ մենք այնտեղ կը ստեղծենք «սեփական» կուլտուրա, թէ մենք կունենանք գլուխ դնելու տեղ:

Ենթադրենք, թէ այստեղ, Կովկասում մենք իսկապէս ոչ մի ապագայ չունենք, ենթադրենք, թէ այնտեղ, Տաճկա-Հայաստանում մենք ստեղծեցինք մի ազատ հայրենիք, սեփական կուլտուրա, գլուխ դնելու տեղ: Բայց արդեօք կովկասահայ աշխատաւոր մասան ի՞նչ միջոցով կարող էր օգտուել այդ ազատ հայրենիքից, սեփական կուլտուրայից, այդ գլուխ դնելու տեղից: Դորա համար նա պէտք է թողնէ իր հողը և

Թոչէ ազատ Հայաստան «սեփական կուլտուրայի» բարիքներէից օգտուելու համար: Դա ի հարկէ խիմերա է: Միլլիտանաւոր աշխատաւոր ժողովուրդը թռչելու այդպիսի մի ընդունակութիւն և ոչ էլ հնարաւորութիւն ունի: Բայց կայ իսկապէս մի տարր, մի դասակարգ, որ այդ ընդունակութիւնը և հնարաւորութիւնը ունի, և դա բուրժուազիան է: Դա հարազատ եղբայրն է այն բուրժուազիայի, որը պահանջում է «յանունս ուստի ժողովուրդի շահերի» և «յանունս Ռուսաստանին վերագահուած ինչ որ «քաղաքակրթական միասիայի» տիրել Մանջուրիային և սակայն ոչ այդ Մանջուրիան է հարկաւոր ուստի ժողովուրդին և ոչ էլ Մանջուրիայի ժողովուրդը կարիք ունի ուսական «քաղաքակրթութեան»: Եւ ինչպէս որ ուստի բուրժուազիան ուստի ժողովուրդի անունից խօսելով, աչքի առաջ ունի միայն իր սեփական դասակարգային շահերը Մանջուրիայում, նոյնպէս և հայ բուրժուազիան «հայոց ազգի փրկութիւն» ասելով, հասկանում է միայն իր սեփական փրկութիւնը: Եւ եթէ ուստի բուրժուազիայի բերանում «Ռուսաստանի քաղաքակրթական միասիան Մանջուրիայում» ոչ այլ ինչ է նշանակում, եթէ ոչ այդ երկրի ազատ շահագործումն, նոյնպէս և հայ բուրժուազիայի բերանում «սեփական կուլտուրա կամ քաղաքակրթութիւն» խօսքերը ոչ այլ ինչ են նշանակում, եթէ ոչ ցանկութիւն՝ ունենալ մի երկիր, որի տէրը ինքը՝ հայ բուրժուազիան լինէր, որը ենթակայ լինէր ամբողջապէս նրա շահագործմանը:

Դա մեր տիրող դասակարգերից երկրորդի՝ բուրժուազիայի տեսակէտն է հայկական ազատագրական շարժման վերաբերմամբ:

Բայց միթէ տաճկահայերի ազատագրման խնդ-

րին միայն բուրժուազիան է կողմնակից եղել: Երբեք Մինչդեռ բուրժուազիան զանազան պետիցիաներով յանուն Ալեքսանդր II-ի և ուրիշ զիպլոմատիական փոշոցներով էր աշխատում Տաճկահայաստանի ազատագրական գործը գլուխ բերել, այդ իսկ ժամանակ օգտակար Միքայէլեանը և ուրիշները հիմք են դնում ժողովրդական յեղափոխական մի կազմակերպութեան — Դաշնակցութեան: Եւ Միքայէլեանի տեսակէտը բնականօրէն, որպէս աշխատաւոր դասի իդեոլոգի տեսակէտ, միանգամայն տարբերում էր բուրժուազիայի տեսակէտից: Նա ասում էր. — մինչդեռ այստեղ կովկասում խնդիրը միայն յաւելեալ արժէքի մասին է, այնտեղ սահմանից այն կողմը մի ժողովուրդի Ֆիզիքապէտ գոյութիւն ունենալու կամ չունենալու — յաւելեալ արեան խնդիրն է դրուած: Պէտք է որ մենք ամբողջ ոյժով աշխատենք ոտքի կանգնեցնել այդ դժբախտ մարտիրոսացող ժողովուրդը:

Դա կովկասեան աշխատաւոր ժողովուրդի եղբայրական տեսակէտն էր թիւրքահայերի վերաբերմամբ:

Սակայն ընդունելով այդ եղբայրական տեսակէտը, կովկասեան աշխատաւոր ժողովուրդը կամ աւելի շուտ նրա իդեոլոգները՝ պարզ կերպով տեսնում էին, որ անկարելի է ամբողջ Տաճկաստանի ընդհանուր ազատագրութեան հարց բարձրացնել, որ նախ Տաճկաստանի ոչ բոլոր ժողովուրդներն են հասունացել մի ազատագրական շարժում առաջ բերելու համար և երկրորդ, որ ամենագլխաւորն է, ոչ բոլոր ժողովուրդներն են այն դժոխային վիճակի մէջ, ինչ որ հայերը, նոյն իսկ ընդհակառակը՝ նրանց, այդ ժողովուրդների (ինչպէս օր. քրդերի) բարեկեցութիւնը որոշ չափով հիմնուած է հայերի ստորկութեան վրայ: Այդ է պատճառը, որ Դաշնակցու-

Թեան սօցիալիստ հիմնադիրները ստիպուած էին մի-  
միայն տաճկահայերի ազատագրութեան հարցը բար-  
ձրացնել և, յենակէտ ընդունելով Բերլինի դաշնագրի  
61-րդ յօդուածը, հայկական 6 վիլայէթներէ աւաճօ-  
միայի խնդիրը առաջ մղել: Այդպիսով թէ հայ բուր-  
ժուազիայի և թէ սօցիալիստական դաշնակցութեան  
մօտակայ նպատակը Տաճկա-Հայաստանի վերաբեր-  
մամբ միեւնոյնն էր:

Այն 90-ական թուականների սկիզբն էր, երբ  
հրապարակ եկաւ Դաշնակցութիւնը: Կապիտալիզմը իր  
բրիտանարդական հասակումն էր, իսկ սօցիալական  
դիֆֆերենցիացիան մանր բուրժուական խաւերում  
դեռ իր սաղմի մէջ էր, երբ մի կողմից առաջ էր գալիս  
արդիւնաբերող խոշոր բուրժուազիան, իսկ միւս կող-  
մից պրօլետարիատը: Դասակարգային սահմանը բուր-  
ժուազիայի և պրօլետարիատի միջև դեռ որոշ կերպով  
չէր գծուել, շահերի անտագոնիզմը երկու դասակար-  
գերի միջև դեռ չէր ընդունել սուր կերպարանք: Դա-  
սակարգային պայքար դեռ չը կար, նա միայն սաղմի  
մէջ էր: Չը կար և քաղաքական շարժում: Մասսան,  
որ վերջնականապէս դեռ չէր մոռացել պարսկական և  
տաճկական դաժան լուծը, որ զգալի ճնշումներ չէր  
տեսնում ոռու կառավարութեան կողմից և վարում էր  
համեմատաբար բարեկեցիկ կեանք, դեռ շարունակում  
էր օրհնել ոռուսաց թագաւորի թախտը:

Ահա այդ տեսակ պայմաններում է հրապարակ  
գալիս Դաշնակցութիւնը և սկսում արծարծել Տաճկա-  
հայաստանի ազատագրման կադափարը, որը մի առան-  
ձին ոգևորութեամբ է ընդունւում բուրժուական շըր-  
ջաններում, քանի որ բուրժուազիան էր միայն (կոզ-  
կասահայերի մէջ), որ այդ գաղափարի իրականացման

մէջ տեսնում էր իր ապագան, իր իդեալը: Ահա թէ  
ինչու նա իր փողի քսակը բացում է Դաշնակցութեան  
առաջ:

Իսկ աշխատաւոր մասսան: Նա լուծ էր իր եղ-  
բայրակիցների անասելի տանջանքների մասին և ինքը  
նոյնպէս տանջուած էր, և ահա այդ մասսայի միջից  
դուրս են գալիս անհատներ, որոնք տարուած վրէժխնդ-  
րութեան սրբազան կրակով, գնում են դէպի երկիր՝  
իրանց արիւնով վերականգնելու մարդկային բռնաբարուած ի-  
րաւունքները:

Եւ այդպէս՝ Դաշնակցութիւնը իր սկզբնական  
շրջանում յենուած էր զլիսաւորապէս բուրժուական  
լայն խաւերի վրայ, իսկ աշխատաւոր մասսայից նա  
ընդունում էր իր մէջ ամենազաղափարական, ամենա-  
ըմբոստ և ամենաանձնուէր անհատներին միայն: Սա-  
կայն ինքը աշխատաւոր մասսան հեռու էր Դաշնակցութեան  
անմիջական ազդեցութիւնից:

Եւ այդպէս՝ առաջին շրջանի, եթէ կարելի է այս-  
պէս ասել՝ նախկին Դաշնակցութիւնը յանձին թէ բուր-  
ժուազիայի և թէ ժողովրդի միջից դուրս եկած առան-  
ձին անհատների՝ միայն մի գաղափարով էր տարուած—  
Տաճկահայաստանի ազատագրման գործով:

Այդ է ահա պատճառը, որ Դաշնակցութիւնը իր  
այդ զուտ տաճկահայկական շրջանում Միքայէլեանի  
բերանով ազդարարում է մի նշանաբան, որ հետեւեալն  
էր.— «Բաւական է, որ սէկը անկեղծօրէն նուիրուած  
լինի գաղափարին և համամիտ մօտակայ գործունէութեան  
նկատմամբ—այդպիսի մարդու հետ միշտ օգտակար է  
գործել ձեռք ձեռքի տուած»: Այլ խօսքերով դա նշա-  
նակում էր, որ սօցիալիստական կուսակցութիւնը իր  
դունքը պաշտօնապէս բացում է և այնպիսի աշխար-

հայեացքի տէր մարդկանց անաջ, որոնք սօցիալիստ չեն աշխատաւոր կամ աշխատաւորի իրեօլօզ չեն, բայց նուիրուած են Տաճկահայաստանի ազատագրման գործին): «համամիտ են ժօտակայ գործունէութեան նկատմամբ»:

90-ական թուականներին, երբ հողը դասակարգային պայքարի համար կովկասում դեռ հասունացած չէր համարուած—սխալ, թէ ուղիղ, այդ ուրիշ հարց է—երբ նամանաւանդ Իաշնակցութիւնը իր յետևից աշխատաւոր մասսա չունէր, այն ժամանակ միանգամայն բնական էր այդպիսի նշանաբանի երևան գալը:

Բայց մտնելով Իաշնակցութեան մէջ, բուրժուազիան բնականօրէն պէտք է քաղաքավարի կերպով մի կողմ դնէր «գեղեցիկ, բայց անիրագործելի» սօցիալիստական գաղափարները և թելադրէր իր սեփական տեսակէտը Տաճկահայաստանի ազատագրման վերաբերմամբ:

Իսկ այդ տեսակէտով տաճկահայ ժողովրդի ազատագրումը չէր ինքն ըստ ինքեան, որ պէտք է կովկասահայերի մարդասիրական հոգացողութեան առարկան լինէր, այլ տաճկահայ ժողովուրդը ինքը լոկ մի միջոց էր, որի վրայ յենուելով, «կովկասահայերը» պէտք է սեփական փրկութիւնը գտնէին, այսինքն ազատ Հայաստան ստեղծէին: Սոսկ տաճկահայ ժողովուրդը եւ նրա ազատագրումը չէր, որ պէտք է ըստ բուրժուազիայի՝ Իաշնակցութեան նպատակակէտը լինէր, այլ այդ ժողովուրդը պէտք է հանդիսանար մի օբ'եկտ, որի վրայ յենուելով բուրժուազիան կարող լինէր իրագործել իր քաղաքական իրեալները: Պարզ էր ուրեմն, որ կովկասահայ բուրժուազիան Տաճկահայաստանի ազատագրումը միայն տաճկահայերի մասնաւոր գործ չէր համարում, որոնց հարկաւոր էր ա-

ւելի կամ պակաս արակցութիւն ցոյց տալ (ինչպէս մտածում էին կովկասահայ աշխատաւոր ժողովրդի իրեօլօզները), այլ համարում էր իր սեփական գործը, որի մէջ նա պէտք է ունենար ամենակալիլ մասնակցութիւնը: Այդպիսով առաջ է գալիս մի դրսի ոյժ, մի արտաքին ֆակտոր, որը միջամտում է տաճկահայերի ազատագրման գործի մէջ: Տաճկահայերը, որոնք իրանք շատ թոյլ էին հերկուլեսեան ջանքեր պահանջող ազատագրական շարժումը առաջ տանելու համար, որոնք գիտակցում էին, որ իրանք կանօնաւոր պատերազմ պէտք է մղէին Օսմանեան պետութեան դէմ, ի՞նչ պատերազմ, որ պահանջում էր առաջինը՝ փող, երկրորդը՝ փող և երրորդը՝ փող,—ստիպուած էին ընդունել այդ արտաքին միջամտութիւնը իրանց ներքին գործերի մէջ, միայն թէ կովկասը, կամ ճիշտը՝ կովկասահայ բուրժուազիան, հայթայթէր նրանց անհրաժեշտ նիւթական միջոցները:

Ընդունելով կովկասահայ բուրժուազիայի միջամտութիւնը, տաճկահայ ժողովուրդը հէնց սկզբից և եթ հաշտուեց այն մտքի հետ, որ ինքը ինսամակալութեան տակ է գտնուում, որ կայ մէկը որը անօրինում է իր բախտը: Ահա այստեղ է, որ առաջ է գալիս տաճկահայ իրականութիւնից դուրս մի արտաքին կազմակերպութիւն, որը օրգանական ծնունդը չը լինելով այդ իրականութեան, սակայն տաճկահայ ժողովրդի բախտի տնօրինողն էր: Առաջ է գալիս Տաճկահայաստանից դուրս մի տիպիքական բիւրօկրատիա, որը՝ նստած հեռու կովկասում՝ իրան իրաւունք էր համարում ակտիվ մասնակցութիւն ունենալ... ոչ թէ անմիջական արիւնոտ յեղափոխական գործի մէջ,—ծիծաղելի կը լինէր կովկասում նրստած կուել երկրի մէջ—ոչ, նա այդքան անձնագոհութիւն և արիւթիւն երբէք չի ունեցել,—այլ յեղափո-

խական շարժման տակտիկան և քայլերը որոշելու մէջ ինչպէս ուսական բիւրօկրատիան Պետերբուրգից կառավարում էր մանջուրական բանակը, այնպէս հայկական բիւրօկրատիան կովկասից de facto հրամաններ էր արձակում երկրի գործիչներին: Եւ չը նայած, որ այդ բիւրօկրատները գաղափար անգամ չունէին այն երկրի պայմանների մասին, ուր նրանք իրանց կեանքում երբէք ոտք չէին կոխել, չը նայած, որ նրանք չէին ազրում այն դժոխային ցաւերով և այն դժոխային ցաւերից բղխող պահանջները նրանք չէին հասկանում և չէին էլ կարող հասկանալ, չը նայած, որ այդ յեղափոխական պրոֆանների տաք ու փափուկ կարբինետներում կայացրած վճիռները աւելի մեծ չարիք էին դժբաղդ ժողովրդի համար, քան սուլթանական բռնութիւնները, այնուամենայնիւ երկրի գործիչները իրանց սև բախտը անիծելով հանդերձ ստիպուած էին յարմարուել բիւրօկրատական բմահաճոյքներին, որովհետև նրանք այդ անիծեալ ոսկին կովկասից էին ստանում\*):

Եւ երբ մէկը միւսի յետևից անցնում էին չարաբաստիկ հայդուկային խմբերը և դեռ երկիր չտեսած սահմանագլխի վրայ անհաշիւ ընկնում, զգում էիր, որ այստեղ մի մեծ ոճիր է կատարւում և այդ ոճիրի հեղինակը այն կուշտ և անհոգ դաշնակցական բիւրօկրատիան

Յէ ինչպիսի վաստակական կախում ունի Տաճկահայաստանը կովկասեան բուրժուազիայից, այդ երևում է նրանից, որ մինչդեռ տաճկահայերը ոչ մի կարևոր հարց չեն կարող վճռել առանց Ռուսահայ մարմինների մասնակցութեան, ընդհակառակը՝ կովկասին վերաբերեալ խնդիրներում տաճկահայ մարմինները և ոչ մի ձայն չունեն:

է, որը ինքը արիւն թափելու ընդունակութիւն չունի, բայց այնքան հերոսական կեանքեր այնքան սառնասրտութեամբ զոհաբերել գիտէ:

Ինչպէս տեսանք, բուրժուազիային ոգեւորող տաճկահայերին օգնելը չէր, այլ այնտեղ «ազատ հայրենիք» ստեղծելը, որի վերաբերմամբ նա կարող լինէր ասելու, թէ սա լիմ է: Ահա թէ ինչու քանի որ յոյս կար, թէ Տաճկահայաստանը ազատութիւն կը ստանայ, քանի որ կար մի ոյժ, մի մասսա Տաճկահայաստանում, որի վրայ հենուելով, նա կարող էր իրագործել իր ազգային (իմա դասակարգային) իղէալները, նա յեղափոխական էր և նոյնիսկ գլուխ էր կանգնած յեղափոխական շարժման: Բայց երբ Արդիւ Համիդը ջարդ ու փշուր արեց հայկական յեղափոխական լեզիծները, երբ Ռուսաստանը երես դարձրեց հայերից, երբ կորաւ յոյսը ազգային անկախութիւն ձեռք բերելու, բայց երբ տաճկահայ ժողովուրդը մահաւան ճիրանների մէջ աւելի քան երբէք կարօտ էր իր «արիւնակիցների» աջակցութեանը, այն ժամանակ, օ այն ժամանակ բուրժուազիան տմարդօրէն և դաւաճանօրէն երես դարձրեց տաճկահայերից.— «դուք այսուհետև իմ ծրագիրների իրագործման համար այլևս անպէտք էք», յայտարարեց նա ցինիկօրէն և անցաւ հակայեղափոխականների շարքերը:

Հրապարակում մնացին աշխատաւոր ժողովրդից դուրս եկած այն անձնազոհ անհատները, որոնց իղէալը «ինքնուրոյն կուլտուրա», «ազատ հայրենիք», «գլուխ դնելու տեղը» չէր, այլ մարդկային բռնաբարուած իրաւունքների վերականգումը:

Ազատ Հայաստանի հեռանկարի չքամալովը դաշնակցութիւնն էլ մարքուկաց բուրժուական տարիներից. (մնացին

միայն մի քանի բուրժուա իրէօգններ, որոնք գեռ վերջնականապէս չէին կորցրել իրանց յոյսը):

Սակայն տարիները անցնում էին: Մօցիւնալական դիֆֆերենցիալիան կովկասում արագ քայլերով առաջ էր գնում: Դասակարգային անտագոնիզմը իրան զգացնել է տալին: Միև կողմից կառավարչական ճնշումներն են կամաց կամաց երևան գալիս և քանի գնում գորեղանում: Մասան երերում է, պայթուցիկ նիւթերը նրա մէջ սկսում են արագ զարգանալ, իներտ դրոթիւնից նա դուրս է գալիս և մթութեան մէջ իրեն առաջնորդ փնտրում... Դաշնակցութիւնը ընդառաջ է գնում և ընդունում նրան իր գիրկը:

Նախ կապիտալի ճնշումների ազդեցութեան տակ բանւորական մասսան է անցնում Դաշնակցութեան շարքերը և ապա քաղաքական ճնշումների ազդեցութեան տակ (գլխաւորապէս եկեղեցական կալուածների խման ժամանակ) նաև մնացած աշխատաւոր—գիւղացիական և մանր արհեստաւորական—տարրերը:

Դաշնակցութիւնը իր գոյութեան առաջին զուտ տաճկահայկական շրջանից անցնում է երկրորդ տաճկահայ-կովկասեան շրջանին:

Այդ ժամանակ անա դարձեալ հրապարակ է գալիս բուրժուազիան, այն բուրժուազիան, որը, ինչպէս առօրեայ կեանքում ըստ իր դասակարգային էութեան ոչինչ չէ ստեղծագործում, այլ միայն շահագործում է, այնպէս էլ գաղափարական կեանքում աշխատում է շահագործել ամեն մի ոյժ, որ իրեն մատչելի է: Ահա թէ ինչու այնքան զօրեղ է նրա մէջ աշխատաւոր մասսան իր ազդեցութեան տակ պահելու ձգտումը: Եւ անա թէ ինչու հէնց որ Դաշնակցութիւնը նորից լըցրեց իր շարքերն աւելի թարմ և աւելի մեծ լեզիօն-

ներով, բուրժուազիան խեղճ և եթ նորից Դաշնակցութեան դրախ անցաւ—այս անգամ սակայն ոչ այնքան «ազատ հայրենիք»: ստեղծելու համար Տաճկահայաստանում, որքան բոլորովին այլ դիտումներով:

Որքան նրա համար ձեռնտու և անվտանգ էր կովկասում նստած Տաճկահայաստանի համար աւանտուրներ ծրագրել, ոչ իւր, այլ աշխատաւոր ժողովըրդի արիւնով ներկուած աւանտուրներ, այնքան նրա համար վտանգաւոր էր այստեղ կովկասում իր քթի տակ թոյլ տալ մի յեղափոխական շարժում, որ իր բուրժուազիայի բարեկեցութեան հիմքերը պիտի փորէ:

Ռուսաստանի ներկայ ազատագրական շարժման մէջ բուրժուազիան այն ակտիվ մասնակցութիւնը չունի, ինչ որ 89 թուին Ֆրանսիականը,—այդ նախ այն պատճառով, որ ներկայ Ռուսաստանի քաղաքական կազմը այն աստիճան ֆեօդալական չէ, ինչ որ Ֆրանսիականն էր 89 թուին, այլ կիսով չափ բուրժուական: Վիտտեական խնամակալական քաղաքականութիւնը արդիւնաբերութեան վերաբերմամբ բուրժուազիայի միայն երախտագիտութեանը կարող էր արժանանալ: Միև կողմից ներկայ Ռուսաստանի կազմակերպուած աշխատաւոր դասը իր զարգացած դասակարգային գիտակցութեամբ բոլորովին այն չէ, ինչ որ Ֆրանսիականը 89 թուին, երբ նա ամբողջովին գտնուած էր բուրժուազիայի հրամանատարութեան սակ: Քաղաքական կազմի մի քանի ֆեօդալական խորդ ու բորդութիւնների շտկումն—անա ռուսական բուրժուազիայի ամբողջ իրէալը, մինչդեռ կազմակերպուած աշխատաւոր գասի ձգտումները շատ ու շատ հեռու են գնում: Բուրժուազիան որոշ

չափով համակրում է ներկայ ազատագրական արշտ-  
մանը, բայց միևնոյն ժամանակ աւելի մեծ շափով վա-  
րենում է նրանից, որ չը լինի թէ յեղափոխութիւնը  
աւելի հեռուն գնայ, քան այդ իրեն հարկաւոր է: Այդ  
է պատճառը, որ բուրժուազիան բացարձակ պատե-  
րազմ չէ հրատարակում ցարիզմին, շատ լաւ հաս-  
կանալով, որ բիւրօկրատիան, ինչպէս ասում են, շուն-  
գէլ, — էլի իր եղբայրն է, որի հետ նա կարող է միշտ  
էլ համաձայնութեան գալ, մինչդեռ աշխատաւոր դա-  
սը նրա օրգանական թշնամին է, որից միշտ վախե-  
նալ հարկաւոր է, մանաւանդ, երբ նա գիտակցում է  
իր դասակարգային շահերը: Բացի դրանից յեղափո-  
խութեանը միշտ ուղեկցում է անարխիան, որը մի  
գերեզման է արդիւնաբերութեան համար և որից բուր-  
ժուազիան միշտ սարսափում է: Ահա այդ հանգա-  
մանքներն են պատճառը, որ ուսական բուրժուա-  
զիան ներկայ ազատագրական շարժման ընթացքում  
ակտիվ մասնակցութիւն չի ընդունում յեղափոխու-  
թեան մէջ և, գերադասում է մնալ պասսիւ և ան-  
վտանգ օպպօզիցիայի մէջ:

Ահա թէ ինչու և մեր հայ բուրժուազիան, ուս-  
ական բուրժուազիայի այդ մի մասնիկը, դէմ է յե-  
ղափոխական ուժեղ բռնկումներին կովկասահայերի  
մէջ: Իսկ ինչ վերաբերում է յատկապէս բուրժուա-  
զիայի դէմ ուղղուած բանւորական շարժումներին,  
այստեղ արդէն բուրժուազիան կենսապէս շահագր-  
գոռած է ամեն մի հնարաւոր միջոցով արգելք հան-  
գիսանալ նրանց:

Ահա թէ ինչու կովկասահայ բուրժուազիան այն-  
քան արմատական, այնքան յեղափոխական հեռու, իրե-  
նից շատ հեռու Տաճկահայաստանի վերաբերմամբ,

ընդհանուր առմամբ հակայեղափոխական է այստեղ՝  
Կովկասում:

Եւ երբ Տաճկահայաստանին մի անգամ այնքան  
ամօթալի կերպով դաւաճանելուց յետոյ նա դարձեալ  
մտաւ Դաշնակցութեան մէջ, պարզ էր, որ նրան մագ-  
նիսի պէս քաշողը աշխատաւորների այն անազին լե-  
գիօններն էին, որոնց իր շուրջն էր խմբել Դաշնակ-  
ցութիւնը, և որոնց ղեկավարութիւնը կարելի էր իր  
ձեռքը գցել և ծառայեցնել սեփական դասակարգային  
շահերին:

Եւ ահա բարձրանալով այն տիրապետող դիրքը,  
որը Դաշնակցութիւնը յատկացրել էր նրան Տաճկա-  
հայաստանին օգնութիւն հասցնելու համար, բուր-  
ժուազիան ամենատմարդի կերպով սկսում է շա-  
հագործել այդ դիրքը իր սեփական դասակարգային  
անմիջական շահերի համար: Նա գործադրում է իր  
աւանդական խարբրայական քաղաքականութիւնը: Իր  
իդէօլօգների բերանով նա սկսում է երգել աշխատա-  
ւորի ականջին — «Դու դժբախտ ես, իսկ քո դժբախ-  
տութեան պատճառը այն է, որ հայ ես և չունիս ա-  
զատ հայրենիք, որտեղ դու կարողանայիր մարդավա-  
յել և երջանիկ կեանք վարել: Ահա թէ ինչու պէտք է  
ժամանակաւորապէս Թողնել «ներքին անհամաձայնութիւն-  
ները», դասակարգային պայքարը և ընդհանուր ոյժերով  
նուիրուել ազգային իդէալի իրականացմանը, Տաճկա-  
հայաստանի ազատագրմանը»:

Այս գեղեցիկ և շլացուցիչ ճառերով է, որ բուր-  
ժուազիան շահեց տաճկահայ դատի ֆանատիկոս իդէօ-  
լօգների սրտերը և նրանց միջոցով իր ձեռքը գցեց մաս-  
սայի ղեկավարութիւնը: «Սօցիալիստական» Դաշնակ-  
ցութիւնն ամբողջովին կովկասեան բուրժուազիայի

սեփականութիւն դառաւ, որը յանուն Տաճկահայաստանի ազատագրման սպանեց յեղափոխական շարժումը կողկատում:

Ամենասուրբ, ամենանուիրական գաղափարն անգամ այլանդակոււմ այլասեւեռոււմ է, երբ նա նիւթ է դառնում տիրող դասակարգերի շահագործութեան: Քրիստոնէութիւնը, այդ բարձր վարդապետութիւնը, որ հրապարակ եկաւ թոյլերի և ճշնււածների պաշտպանութեան համար, ժամանակի ընթացքում տիրող դասակարգերի ձեռքին դառնում է մի գործիք հէնց այդ թոյլերին և ճշնուածներին աւելի ևս ճնշելու և ստրկացնելու: Նոյն վիճակին ենթարկուեցին շատ ուրիշ բարձր գաղափարներ, ինչպէս, օրինակ, հայրենասիրութեան գաղափարը:

Գաղափարացիութիւնը, որ երեան էր գալիս մարդկային ամենավսեմ գաղափարները, ամենանուիրական թուխքներն ու տենչերը այս ցաւոտ երկրում իրականացնելու համար—Գաղափարացիութիւնը չը կարողացաւ յարատև ընթանալ իր գծած ուրոյն ճանապարհով, կորցրեց իր ուղեցոյց աստղը, որովհետև անզգուշութիւն ունեցաւ իր ծոցում տեղ տալ մի օձի, որ պէտք է այնուհետև թունաւորէր նրա ամբողջ էութիւնը:

Ինչո՞ւ անասարակ այդպէս է պատահում և ինչո՞ւ այդպէս պատահեց Գաղափարութեան հետ:

Մարդիկ սովորաբար մտածում են այնպէս, ինչպէս թելադրում են նրանց սեփական շահերը: Հասարակական իրէջանքը բղխում են դասակարգային շահերի ճիշտ ըմբռնողութիւնից: Չը կայ արսօլիւտ արդարութիւն մարդկանց համար և ամեն մի դասակարգ

արդարութիւնը չափում է իր սեփական դասակարգային արշինով:

Դասակարգերի ձգտումները բիւրեղացած ձեռք արտայայտոււմ են նրանց գաղափարական ներկայացուցիչների—իդէօլոգների միջոցով: Ամեն մի իդէօլոգ անկեղծօրէն համոզուած է, որ իր դասակարգի ստեղծած գաղափարները ամենաարդարացի և ամենասուրբ գաղափարներն են և որ նրանց մէջ է ազգի և մարդկութեան փրկութիւնը: Մի մօտարխիստ Պօրէզօսոսցեակ, կամ Գրինգմուտ միանգամայն համոզուած են, որ սուսաց թագաւորին գահ բարձրացնողը ինքը Աստուածն է և որ Աստուած նրան տուել է այդ թագաւորական իրաւունքը ոչ միայն Ռուսաստանը, այլ և ամբողջ մարդկութիւնը երջանկութեան մէջ պահելու համար: Մի իշխան Մեշչերսկի միանգամայն անկեղծօրէն համոզուած է, որ Աստուած մուծիկին ստեղծել է պօմեշչիկին ծառայելու համար և որպէս մի ստորին արարած՝ մուծիկը չի կարող բախտաւոր լինել պօմեշչիկի տիրապետութիւնից դուրս, իսկ նրան տիրապետութեան տակ պահելու համար, այսինքն բախտաւոր վիճակի մէջ պահելու համար հարկաւոր է նրան մէկ մէկ ձեծել, որովհետև առանց ձեծի մուծիկը, որպէս մի սնխելք արարած՝ չի կարող իր սեփական օգուտը հասկանալ: Հայ կղերականութեան իդէօլոգ Սպանդարեանը միանգամայն անկեղծօրէն համոզուած է, որ հայոց ազգի փրկութիւնը Հայաստանից սուրբ եկեղեցու մէջ է, իսկ ով այդ եկեղեցուց դուրս է, նա հայ չէ և դժոխքի կերակուր: Բուրժուական իդէօլոգները միանգամայն անկեղծօրէն համոզուած են, որ մասնաւոր սեփականութիւնը սուրբ է (դարձեալ Աստուծու մատը խառն է), իսկ սօցիալիզմը մարդկութիւն

նը տանում է դէպի կորուստ: Աստուած մի արասցէ, որ սօցիալիզմի թոյնը մեր ժողովրդի մէջ բուն դնէ» — բացականչում էր Արծրունին՝ բուրժուական «սրբազան» կարգերի մէջ անկեղծօրէն մարդկութեան և ժանաւորապէս հայ ժողովրդի փրկութիւնը տեսնելով:

Եւ ռվ կարող է ասել, թէ այդ մարդիկ, տիրող դասակարգերի այդ իդէօլօգները չեն սիրում ժողովրդին, ռվ կարող է ասել, թէ Պօբէգօսօսցեվը (նոյն իսկ Պօբէգօսօսցեվը!), Սուվօրինը, Ճաւաւաձէն, Աղայեվը, Սպանդարեանը կամ Արծրունին անկեղծ ժողովրդագասէրներ չեն: Ոչ ոք: Եւ սակայն... դա այն սէրը չէ, որ տածում են դէպի ժողովուրդը վազգէնները և կոլեակները:

Երբ վերլուծում ենք տիրող դասակարգերի տաժած սէրը դէպի՝ դեմօկրատիան, մենք տեսնում ենք, որ նա իր մէջ պարունակում է էլեմենտներ, որոնք արամագծօրէն հակասում են ժողովրդի շահերին, որոնք պայմանաւորում են ժողովրդի ստրկացումով, շահագործութեամբ և կեղերումով: Եւ իսկապէս, ի՞նչն է դրդում տիրող դասակարգին սիրել ժողովրդին, եթէ ոչ այն հանգամանքը, որ ժողովուրդը նրա ստրուկն է, իսկ ստրուկը նրա կերակրողն է: Տէրը այնքան աւելի է սիրում իր ստրկին, որքան այդ ստրուկը աւելի օգուտ է տալիս իր տիրոջը: Այդ պէտք է ի նկատի ունենալ և երբէք չչփոթել մի ֆէօդալի կամ մի բուրժուայի տաժած սէրը դէպի աշխատաւոր ժողովուրդը այն սիրոյ հետ, որ տածում է դէպի նոյն ժողովուրդը ինքը աշխատաւորը, որը մի մասնիկն է այդ աշխատաւոր ժողովրդի, որը ծնուել է հէնց այդ աշխատաւոր ժողո-

վրդից \*), որը սիրում է նրան, որպէս իւրայինին, որպէս հարազատին: Եւ մինչդեռ աշխատաւորի և աշխատաւորների իդէօլօգների— Գարիբալդիների, Քրիստափօրների, Բալմաշոֆների սէրը դէպի ժողովուրդը— դա որդու սէրն է դէպի հարազատ մայր-ժողովուրդը, ընդհակառակը՝ տիրող դասակարգերի և նրանց իդէօլօգների— բոլոր այդ Սպանդարների և Քալանթարների, Ճաւաւաձէների և Աղայեվների, Սուվօրինների և Տրուբէցիօյների, բոլոր ֆէօդալների և լիբերալ բուրժուաների սէրը դէպի ժողովուրդը— դա տիրոջ սէրն է դէպի՝ իր կծան կովը:

Եւ ինչպէս տէրը առհասարակ բարի է դէպի իր կթան կովը և աշխատում է բազցած ժամանակ նրան կերակրել, այնպէս էլ տիրող դասակարգերը բարի են դէպի իրանց կաթնատու ժողովուրդը և երբ վերջինս քաղցից լաց է լինում, նրանք փող են հաւաքում յօգուտ ժողովրդի, նրան կերակրում են, որպէսզի քաղցից նա չմեռնի և իրանք կաթից չը զրկուեն. այդ բանը բուրժուաները անուանում են «բարեգործութիւն»: Եւ կամ զանազան սօցիալական ըէֆօրմներ, բարենորոգումների միջոցով են նրանք բաւարարութիւն տալիս ժողովրդի պահանջներին: Սօցիալական խնդիրը նրանք վճռում են «բարեգործական» կամ «բարենորոգչական», կամ առհասարակ զանազան չնչին պալլիտատիվների, կարկատանների միջոցով:

Մինչդեռ գիտակցական աշխատաւոր ժողովուրդը խնդրի վրայ բոլորովին այլ կերպ է նայում: Նա պարզ

\*) Այստեղ խօսքը մի ընդհանուր երևոյթի մասին է: Լինում են դէպքեր, ի հարկէ, երբ մէկը ծնունդ է մի դասակարգի, բայց իր գաղափարներով, իր իդէօլօգիայով պատկանում է մի ուրիշ դասակարգի:

տեսնում է, որ այդ «բարեգործութեամբ» և առհասարակ պալլիատիվներով նա չի կարող իր դրուժիչը արմատապէս բարելաւել, որ դրա համար հարկաւոր են ոչ թէ պալլիատիվներ, որոնք ձեռնտու են աւելի շուտ տիրող դասակարգերին, այլ արմատական փոփոխութիւններ սօցիալական կարգերի մէջ, որ անհրաժեշտ է ստեղծել այնպիսի կարգեր, որտեղ ոչ շահաործութիւն լինի և ոչ էլ «բարեգործութիւն», այսինքն անհրաժեշտ է տապալել տիրող դասակարգերին նրանց տիրային ժողովրդասիրութեամբ հանդերձ, նրանց զուելի և վերաւորական «բարեգործութեամբ» հանդերձ:

Ահա ինչ հսկայական տարբերութիւն կայ այդ երկու տեսակի ժողովրդասիրութեան մէջ:

Սակայն որքան պարզ է մի գիտակից աշխատաւորի համար այդ երկու տեսակի ժողովրդասիրութեան տարբերութիւնը, այնքան նա մի գայթակղութեան, մի փորձանքի քար է, մի կատարեալ թակարդ է անգիտակից աշխատաւոր ժողովրդի համար: Եւ այդ թակարդը նամանաւանդ վտանգաւոր է, որ տիրող դասակարգերը վարմանալի կերպով յարմարուել գիտեն աշխատաւոր ժողովրդի դասակարգային գիտակցութեան զարգացման աստիճաններին: Այդ տեսակէտից չափազանց ընտրող է, որ մինչդեռ Արծրունին պարզօրէն (և միամտօրէն ի հարկէ) ասում էր, թէ «սօցիալիզմի թոյնը» մենք թոյլ չենք տայ, որ մտնի մեր մէջ, ընդհակառակն այժմեան «Մշակ»-ը և նոյն «Մշակ»-ի սիւները «Դրօշակի» մէջ արդէն գովում, երկինք են բարձրացնում սօցիալիզմը, գեղեցիկ, շլացուցիչ սօցիալիստական ճոռամարանութեամբ թող են փչում իրենց միամիտ ընթերցողների աչքերին, որպէսզի սակայն

վերջը աւելացնեն մի հասարակ «բայց»—... բայց մենք ապրում ենք մի այնպիսի «հազուադէպ մօմէնտում», որը պահանջում է դասակարգերից թողնել իրանց ներքին անհամաձայնութիւնները և ի մի ձուլուել ընդհանուր թշնամու դէմ դրոճ տալու համար»: Արծրունին, ամեն կողմից բաղդաւոր Արծրունին ապրում էր մի այնպիսի ժամանակ, երբ աշխատաւոր ժողովուրդը կովկասում մրափում էր ըստ երևոյթին անկենդան մրափով, երբ սօցիալիզմի մասին կովկասում խօսք չը կար, և Արծրունին կարող էր առանց քաշուելու ուղղակի ասել—«չենք ուզում սօցիալիզմը»: Բայց եթէ նա անբախտ չէր լինէր ունենար ապրելու մինչև մեր օրերը, երբ սօցիալիստական շարժումը իրական մի փաստ է, խեղճը ստիպուած պիտի լինէր դիմելու նոյն խարեբայական\*) միջոցներին, ինչ որ այժմ գործադրում են նրա յետնորդները, այն է՝ երկինք բարձրացնել սօցիալիստական կարգերը, որպէսզի յետոյ աւելացնել, թէ ներկայ «մօմենտը» անյարմար է դասակարգային պայքարի համար, կամ բերել մի այլ՝ «մօմենտին» համապատասխան պատճառարանութիւն:

Պէտք է հասկանալ տիրող դասակարգերի հոգեբանութիւնը, պէտք է կարողանալ կարգալ նրանց հոգու ամեն մի ելևէջը, որպէսզի ազատ լինել նրանց գե-

\*) Այդ «խարեբայութիւն» խօսքը չը պէտք է հասկանալ առօրեայ մտքով: Բուրժուա իդեօլոգները իրանց դադափարները արտայայտում են իրանց դասակարգի շահերի թելադրութեամբ մեծ մասամբ առանց գիտակցելու այդ բանը, այն է՝ ինստիտուտական—բնագրական ճանապարհով: Իհարկէ պատահում են և գիտակցական խարեբայութիւններ, բայց դրանք բացառութիւններ են կազմում:

դեցիկ, շլացուցիչ, բայց աշխատաւոր ժողովրդի համար թունալից և մահաշունչ ֆրադէօլօգիայից:

Պէտք է քննադատօրէն վերաբերուել տիրող դասակարգերի ամեն մի քայլին, որովհետև շատ անգամ նրանց արած քայլերը ըստ երևոյթին «ամենայեղափոխական», «ամենասօցիալիստական» գոյնն են կրում, բայց իրականութեան մէջ դրանք մի մի թակարդներ են աշխատաւոր ժողովուրդը իրանց ճանկերի մէջ գցելու համար:

Պէտք է զգոյշ լինել, որովհետև մենք շատ հեշտութեամբ շնորհիւ մեր անգիտակցութեան կարող ենք գործիք դառնալ մեր շահագործողների ձեռքում ի վնաս մեր սեփական դասակարգային շահերի:

Եւ այդպէս, ուրեմն—մակերևոյթօրէն չը սահենք երևոյթների վրայով և խորը ըմբռնենք նրանց ներքին իմաստը:

Ասում են, որ Դաշնակցութեան մէջ բուրժուազիան մասնակցութիւն չունի: Դա միանգամայն ճիշտ է այն տեսակէտից, որ մեր խոշոր բուրժուազիան համարեա ոչ մի անմիջական մասնակցութիւն չունի Դաշնակցութեան գործունէութեան մէջ: Սակայն... սակայն կարիք էլ չը կայ, որ բուրժուազիան անմիջական մասնակցութիւն ունենայ մի հասարակական—գաղափարական շարժման մէջ, քանի որ նա ունի իր գաղափարական գործակատարները, իր իդեօլօգները, որոնք աւելի լաւ գիտեն պաշտպանել իրանց դասակարգի շահերը, քան ինքը բուրժուազիան: Եթէ Ս. Սպանդարեանը, Ա. Յովհաննիսեանը, Պ. Սիմօնեանը իրանք հոգևորականներ չեն եղել, այդ դեռ չի նշանակում, թէ նրանք կղերականութեան շահերը չեն պաշտպանել և նրանց օրգանները կղերական օրգաններ չեն

եղել: Աղայեվը, Թօրչիբաշեվը գիւղեր ու կալուածներ չունեն, բայց այդ չի նշանակում, թէ նրանց պաշտպանած շահերը թուրք ազնուականութեան շահերը չեն: Նոյնը կարելի է ասել և բուրժուազիայի մասին: Բուրժուա իդեօլօգները կարող են գործարանների, ֆաբրիկաների տէր չը լինել, բայց և այնպէս պաշտպանել գործարանատէրերի շահերը: Այստեղ էտկանը ոչ թէ այս կամ այն անձնաւորութիւնն է իր սօցիալական դիրքով, այլ այն աշխարհայեացքը, այն քաղաքական դաւանանքը, որ միացնում է այս կամ այն կուսակցութեան շուրջը այդ անձնաւորութիւններին:

Ո՞րն է Դաշնակցութեան դաւանանքը կովկասում: Որոշ դաւանանք նա չունի: Բայց այդ անորոշութիւնը չափազանց ընդորոշ է այն տեսակէտից, որ ներկայ բուրժուական կուսակցութիւնները առհասարակ չունեն իրանց որոշ դաւանանքը, կամ աւելի շուտ ինստիտուտօրէն խուսափում են ի լուր աշխարհի յայտնել իրանց դաւանանքը, որովհետև դա կը պարզէր նրանց իրանցից: Եւ բուրժուազիան ստիպուած է յարմարուել պայմաններին: Այսօր նա մի բան է ասում, վաղը մի ուրիշ բան, այսօր նա աւելի դեմօկրատ է, վաղը մի քիչ պակաս՝ նայած թէ աշխատաւոր մասսայի յեղափոխական տրամադրութիւնը և նրա ոյժերը այս կամ այն մօմենտում ինչ աստիճանի վրայ են: Այդպէս է վարւում ներկայումս Ռուսաստանի բուրժուազիան յանձին կոնստիտուցիօնալիստ — դեմօկրատական կուսակցութեան:

Ըստ էութեան միանգամայն նոյն դերը մեզանում կատարում է Դաշնակցութիւնը:  
Ի՞ր վճիռը՝ մասնակցելու կովկասեան յեղափոխա-

կան շարժման մէջ Դաշնակցութիւնը պատճառաբանում է հետեւեալ կերպով— «Աչքի առաջ ունենալով, որ վերջին ժամանակներս Ռուսաստանում և մասնաւորապէս Կովկասում յեղափոխական շարժումը ստացել է անսպասելի լայն չափեր...», որ այդ շարժումներէ ազդեցութեան տակ բռնապետութիւնը զգալի կերպով թուլացել է... Հ. Յ. Դաշնակցութիւնը որոշում է սկսել Կովկասում յեղափոխական գործունէութիւն»:

Ամեն մի յեղափոխական կուսակցութիւն սովորաբար պատճառաբանում է իր երևան գալը տիրող յետամնաց կարգերի գոյութեամբ և նրանց տապալելու ձգտումով, իր միասիրան տեսնում է ժողովրդի քնած գիտակցութիւնը արթնացնելու, մասսաներին առաջնորդելու և նրանց ղէպի յեղափոխական ակտեր մղելու մէջ: Իսկ մի կուսակցութիւն, որ ընդհակառակն՝ իր երևան գալը պատճառաբանում է յեղափոխական շարժման գոյութեամբ և հին կարգերի տապալուած լինելովը (աւելի կամ պակաս չափով), նա միայն թիւրիմացութեամբ է իրան յեղափոխական կուսակցութիւն անուանում:

Եւ իսկապէս, եթէ Դաշնակցութիւնը կարողանար անկեղծ լինել, նա պէտք է պարզօրէն ասէր, որ ինքը ղէմ է Կովկասեան շարժման, բայց քանի որ մասսան ինքը սկսել է այդ շարժումը և վախ կայ, որ նա անցնի ուրիշ կուսակցութիւններէ ձեռքը, այդ պատճառով ինքը ստիպուած է իր վրայ վերցնել կովկասահայ ժողովրդի դատը:

Դաշնակցութիւնը ղէմ է յեղափոխական շարժմանը Կովկասում, և եթէ այնուամենայնիւ այսօր նա իրան անուանում է աշխատաւոր ժողովրդի կուսակցութիւն, եթէ պաշտօնապէս նա իր վրայ է վերցրել կովկասա-

հայ աշխատաւոր ժողովրդի դատը պաշտպանելու ընդդէմ տիրող դասակարգերի, եթէ նա վճռել է մասնակցել ազատագրական շարժման մէջ—այդ բոլորը նա արել է միմիայն մի նպատակով—որպէսզի աշխատաւոր մասսաները ձեռքից բաց չը թողնէ: Դաշնակցութեան բուրժուա ղեկավարները պարզ գիտակցում են, որ եթէ միանգամայն ժխտեն կովկասահայ աշխատաւոր ժողովրդի դատը, այն ժամանակ նրանք բոլորովին կը կորցնեն հողը իրանց ոտքերի տակ և կը դառնան «զենեալներ առանց զինւորների»: Այդ համագամները ստիպում է նրանց որոշ չափով դասակարգային պայքար մղել ընդդէմ տիրող դասակարգերի, որոշ չափով մասնակցել գործադուլների մէջ, որոշ չափով մասնակցել ընդհանուր ազատագրական շարժման մէջ—բայց ինարկէ այդ բոլորը միմիայն այն չափով, որչափ դա անհրաժեշտ է մասսաները ձեռքից բաց չը թողնելու համար:

Ահա թէ ինչու Դաշնակցութիւնը չի ձգտել արծարծելու և զարգացնելու ժողովրդի մէջ առաջագիմական պահանջներ, չի սովորեցրել նրան կռուել և կռուով ձեռք բերել իր պահանջածները, չի եղել արտայայտիչը ժողովրդի առաջադիմական իրեալների և չի առաջնորդել նրան ղէպի այդ իրեալները, այլ ընդհակառակն՝ նա բաւականացել է և այն էլ ակամայից և ստիպուած՝ զանազան պալլիտաիվներով բաւարարութիւն տալ մասսաների արդէն ունեցած յեղափոխական պահանջներին, ինչպէս այդ վայել է մի պահպանողական կառավարութեան, որ իր գոյութիւնը քարշ տալու համար ստիպուած է յարմարուել ժողովրդի աճող պահանջներին\*):

\*) Այդ տ' ակէտից շատ բն ըրոշ է, լէ ինսպէս է Դաշնակցութիւնը լուծում բանւորական և ազրւար-

Այդպիսով մենք տեսնում ենք, որ Դաշնակցութիւնը չէ հանդիսանում օրգանական ծնունդը կովկասահայ աշխատաւոր ժողովրդի և նրա իրական պահանջներին, որ որպէս գրսից եկած մի ոյժ, նա ստիպուած է լինում դիմել արմեստական միջոցներին ժողովրդի վրայ իր իշխանութիւնը պահպանելու համար, որ նա իր նպատակակէտը ոչ թէ հէնց ժողովրդի իրա մէջ է տեսնում, այլ ընդհակառակն՝ ժողովրդի վրայ նայում է որպէս մի օբ'եկտի վրայ, որ նրան սնհրաժեշտ է այդ օբ'եկտից դուրս նպատակներին ծառայեցնելու (իբր թէ ինքնուրուին հայկական կուլտուրա, սեփական հայրենիք ստեղծելու համար, բայց մենք արդէն տեսանք, թէ ինչ է հասկանում բուրժուազիան այդ մեծադորդ «սեփական կուլտուրա, սեփական հայրենիք» խօսքերի տակ): Մենք տեսնում ենք, որ Դաշնակցութիւնը այդպիսով սկսում է հակադրել իրան ժողովրդին, իր շահերը՝ ժողովրդի շահերին և այդպիսով աննկատելի կերպով վերածուում է մի կաստայի, որի անդամները մեծից մինչև փոքրը մի մի ինքնատիպ բիւրօկրատներ լինելով՝ կազմակերպութեան մէջ մտցնում են բիւրօկ-

րին հարցերը: Իր սեփական ինիցիատիվով Դաշնակցութիւնը երբէք ոչ մի գործադու չէ անում, բայց երբ ուրիշ կուսակցութիւններ ընդհանուր գործադու են յայտարարում, Դաշնակցութիւնը ինքն էլ է գործադու յայտարարում: Ազգաբային հարցում Դաշնակցութիւնը դարձեալ իր ինիցիատիվով ոչինչ չի անում: Նա սպասում է մինչև որ գիւղացիները գալիս զանգատ են ներկայացնում այս ինչ կամ այն ինչ կալուածատէրից կամ վաշխառուից և այն ժամանակ Դաշնակցութիւնը ուղարկում է իր զինուորներին, որոնք Դաշնակցութեան անունից հրամայում են կալուածատէրերին կամ վաշխառուներին գիւղացիներին պահանջներին բաւարարութիւն տալ:

րատական խնամակալութեան քայքայիչ սիստեմը: Երբ ժողովուրդը և նրա յուսադրմութիւնը դադարում է նպատակակէտ լինելուց Դաշնակցութեան համար, երբ սկսում է տիրապետել նրա մէջ բուրժուական այն տեսակէտը, թէ ժողովուրդը միայն մի միջոց է մի ինչ որ իբր թէ բարձր սուրբազան» գաղափարի իրագործման համար, այն ժամանակ բնականօրէն ամեն մի դաշնակցական սկսում է նայել ժողովրդի վրայ այնպէս, ինչպէս իշխան Մեղչեբսկին, որ հաւատացնում է, թէ մուժիկի բախտաւորութիւնը պոմէշչիկի տիրապետութեան մէջ է կայանում, թէ նրան խելքի բերելու և երջանկութեան մէջ պահելու համար հարկաւոր է ժամանակ առ ժամանակ նրան «բողգի» տալ: Այդ տեսակ պայմաններում բնականօրէն Դաշնակցութեան շրջիկները սկսում են «յեղափոխութիւնը» տարածել ոչ թէ գաղափարների միջոցով, այլ իշխան Մեղչեբսկու գոված «բողգի» միջոցով, իսկ ինքը յեղափոխութեան գաղափարը բոլորովին չքանում է նրանց մտածողութեան միջից և նրա տեղ առաջ է գալիս մի ուրիշ՝ այլանդակ գաղափար: Այդ տեսակ պայմաններում բնական է դառնում այն փաստը, որ ազգաբային և ուրիշ հարցերը լուծում է ոչ թէ ինքը ժողովուրդը Դաշնակցութեան ղեկավարութեամբ, այլ ինքը Դաշնակցութիւնը անկախ ժողովրդից, ոչ որպէս մի յեղափոխական կուսակցութիւն արմատական միջոցներով, այլ որպէս մի ամենասովորական կառավարութիւն չնչին պալլիատիվների միջոցով: Եւ երբ բիւրօկրատական խնամակալութեան սկզբունքը արմատանում է, բնական է, որ այնուհետև ժողովրդի ինքնագործունէութիւնը և ինքնագիտակցութիւնը ոչ միայն չի զարգանում, այլ ընկնում է, և մենք այսօժ

պարզօրէն տեսնում ենք, որ «15 տարի յեղափոխական պատրաստութիւն» ստացած ժողովուրդը անընդունակ է գտնուում ոչ միայն կռուելու կալուածատէրերի դէմ, այլ նոյն իսկ ինքն իրան պաշտպանելու խուլիզանական յարձակումներին:

Ակնյայտնի է, որ եթէ այս տարի պատահամար կովկասում չլինէին տաճկահայ կոուող փոքձուած ոյժերը՝ Մուրադներ, Բիճաներ, Գեուխներ, Երևան—Նախիջևանեան շրջանը և ուրիշ շրջաններ չէին կարողանալ դիմանալ թրքական յարձակումներին և այս բուպէին կը լինէին անհամեմատ աւելի վատթար դրութեան մէջ: Շարուրի 4—5 հազար ժողովուրդը միաբերան վկայում է, որ իրանց գոյութեամբ պարտական են Մշեցի Սէյդօյին (Անդրանիկի ընկերներին) և նրա երկու ընկերներին:

Բայց հարց է ծագում, թէ ինչո՞ւ համար այդ 4—5 հազար ժողովուրդը մի՞ թէև հերոսական Սէյդօյի արժէքը չը պիտի ունենային: Եւ արդեօք դա բիւրօկրատական խնամակալութեան սիստեմի հետեւանքը չէ՞, որ մի կողմում մենք տեսնում ենք մարդու յաւանքների հօտը, իսկ միւս կողմին կուող տասնեակները և հարիւրակները, դաշնակցական մշտական զօրքը, հայկական «ինքնուրոյն» միլիտարիզմը (բուրժուա իդէօլոգներ՝ դուք կարող էք փառաւորուել, դա ձեր երևակայած «սեփական կուլտուրայի, սսփական հայրենիքի» սաղմն է): Դաշնակցական միլիտարիզմ—իւ սեփական սատրապներով, որոնք իրանց իշխանութեան տակ առնելով որոշ բայօններ, մտցրել և մըտցնում են այնտեղ սուլթանական բէժիմը, բար ու քանդ անհրով առանց այն էլ աւերուած երկիրը:

Եւ այդ հարկահանումեան սիստեմը, որ ոչնչով չէ

զանազանում ոռուական բռնապետութեան սիստեմին:

Եւ այդ դատավարութիւնը, որը իր վրայ է վերցրել «սօցիալիստական կուսակցութիւնը», որպէսզի հաւասար չափով պաշտպանէ թէ աշխատաւորի շահերը ընդդէմ կեղեքիչների և թէ կեղեքողների շահերը ընդդէմ աշխատաւորների,— առաջնորդուելով «արդարութեան» սկզբունքով (ախ, այդ բուրժուական «արդարութիւնը» «օրէնքի» առաջ!), դատավարութիւնը, որ իրապէս վաշխառուների ձեռքին մի գէնք է խեղճերին և թոյլերին աւելի ևս ճնշելու համար \*):

Եւ, խոստովանենք անկեղծօրէն, որ Դաշնակցութիւնը կովկասում լուկ մի կառավարութիւն է եղել կառավարչական բոլոր ֆունքցիաներով, հայկական «ինքնուրոյն» կառավարութիւն (թող կրկին փառաւորուեն բուրժուաները), որ մի աստիճան միայն բարձր է եղել ոռու կառավարութիւնին, որովհետև եթէ այդ էլ չը լինէր, նա կը կորցնէր իր raison d'être կեանքի մէջ: Բայց նա երբէք յեղափոխական կուսակցութիւն չի եղել:

Եւ այդ մի աստիճան բարձր կառավարութիւնը ներկայ փոթորկալից յեղափոխական շրջանում լուկ մի հսկայական պալլիատիվ էր, որ սպանեց մեծ յեղափոխութեան իսկական զաղափարը կովկասահայերի մէջ, և որի համար ոռուական բռնապետութիւնը կարող է

\*) Պէտք է խոստովանել, որ գիւղական ժողովուրդը ընդհանուր առմամբ գոհ է դատավարութիւնին, որովհետև նրա շնորհիւ համարեա վերացել է գողութիւնը: Դողութիւնը—դա այն ոճիրն է, որ ամենից խիստ է պատժում դաշնակցական դատաւորների ձեռքով: Մասնաւոր սեփականութեան սկզբունքն է, որ այնքան սրբութեամբ պաշտպանել գիտեն գիւղական վաշխառու դատաւորները: Իսկ քննաքնն հարցերում...

իր ամենամանկեղծ շնորհակալութիւնը յայտնել Դաշնակցութեան:

Ընկերներ! ես սոսկալի մտայլ գոյնեցով նկարագրեցի Դաշնակցութիւնը, որը իր շուրջն է խմբել հայ ժողովրդի ամենահերոսական, ամենավսեմ և ամենասքանչելի հոգիները: Բայց երգում եմ, ես երբէք չէի կամեցել ոչ նահատակուած հերոսների նուիրական յիշատակը անարգել և ոչ էլ կենդանի մարտիկների առանց այն էլ վշտահար սրտերը խոցոտել: Մենք ամենքս պնդում ենք, որ Ռուսաստանը բռնապետական մի երկիր է, և սակայն դրանով մենք չենք անարգում այդ երկրի բազմաշարժար ժողովուրդները և նամանաւանդ նրա հերոսական մարտիկներին: Մենք ունենք սև հարիւրակների Ռուսաստան և ունենք կարմիր հարիւրակների Ռուսաստան: Մենք երկու Դաշնակցութիւն ունենք: Մէկը բուրժուազիայի—փափկասէր շահագործողների, կուշտ կեղծքիչների Դաշնակցութիւնն է—սև ու խաւար, միւսը չարքաշ աշխատաւորների, անձուէր մարտիկների,—Քրիստափորների, Բարկէն Սիւնիների Դաշնակցութիւնն է, կարմիր ու դինամիտային Դաշնակցութիւնը, որը սակայն ստրուկ ու հպատակ է այն առաջինին, բայց որը յետ ու առաջ պէտք է տապալէ նրան և գլուխ կանգնէ ժողովրդական ազատութեան:

Ընկերներ! ժամանակ է սթափուելու. մինք ստրուկ ենք բուրժուական իդէօլոգիային: Դուք գիտէք, թէ ինչպէս տեղի ունեցաւ այդ ստրկացումը: Բուրժուան և աշխատաւորը, շահագործողը և շահագործուողը իրար ձեռք մեկնեցին մի վեհ գաղափարի իրագործման համար.—մի մարտիրոս ժողովրդի մարդկային ամենատարրական իրաւունքները վերականգնելու համար: Եւ...

և մինչդեռ աշխատաւորը իր կոշտ ձեռներով պողպատէ մուրճն էր պատրաստում Տաճկահայաստանի ստրուկութեան շղթաները փշրելու համար, մինչդեռ ժողովրդի իսկական որդիքը իրանց արիւնն էին զոհարելում մայր—ժողովրդի ազատութեան համար, մինչդեռ աշխատաւորների բոլոր վսեմ իդէօլոգները—Քրիստափորները՝ ընկղմուած ամբողջովին յեղափոխական կարմիր աշխատանքի մէջ, ժամանակ չունէին մի քննադատական հայեացք գցելու իրանց շրջապատի վրայ, իրանց յեղափոխական «ժամանակաւոր» դաշնակիցների վրայ, այդ իսկ ժամանակ այդ ժամանակաւոր դաշնակիցները, բուրժուական իդէօլոգները արդէն իրանց գործը տեսան: Նոքա արիւն չը թափեցին, ըմբոստացման դարբնոցարանի մխոտ շէնքսի մէջ ազատութեան պողպատը չը պատրաստեցին, սակայն իրանց կուշտ ու փափուկ ստամոքսների թելադրութեամբ դաշնակցական աշխատաւոր մասսայի համար մի իդէօլոգիա մշակեցին և աննկատելի կերպով փաթաթեցին նրա վզին, մի իդէօլոգիա, որ աշխատաւորի իդէօլոգիան չէր, այլ իրանցը—բուրժուազիայինը:

Դանդաղ, օր է ցօր, սիստեմատիկ կերպով բուրժուա ինտելիգենցիան վարակից աշխատաւոր մասսան բուրժուական աշխարհայեցողութեան հակաժողովրդական թոյնով: Նա սովորեցրեց աշատաւոր մասսային մտածել այնպէս, ինչպէս մտածում է ինքը, ոգևորուել այն ամենով, ինչ որ ձեռնտու է իրեն: Նա հիպնոզեց դաշնակցական մասսան և ստեղծեց մի մթնոլորդ, բուրժուական մթնոլորդ:

Մենք ստրուկ ենք բուրժուական իդէօլոգիային: Նրանք մեզ ասում էին. թողէք «ներքին անյամատայնութիւնները», դասակարգային պայքարը, թողէք կովկասը և

նուիրուեցէք Տաճկահայաստանին, ամենակաթիլ մասնակցութիւն ցոյց տուէք նրա ազատագրման մէջ: Մենք լսեցինք նրանց, թողինք Կովկասը: Բայց ի՞նչ շահաց Տաճկահայաստանը: Արդե՞օք մասսան անցաւ սահմանը և ակտիվ մասնակցութիւն ունեցաւ նրա ազատագրական շարժման մէջ: Ոչ: Նա միայն առաջուայ պէս իր ոյժերի համեմատ աջակցութիւն էր ցոյց տալիս նիւթապէս և կուռղ անհատներով:

Ո՞վ կարող է ժխտել, որ ակտիվ մասնակցութիւնը Կովկասեան մասսայի կողմից Տաճկահայաստանի վերաբերմամբ եղել է մշտապէս լռիկ մի ֆիւլիցիա, որը սակայն անհրաժեշտ էր հայ «ազգասէր» բուրժուազիւային՝ ինքնախարէութեան մէջ պահելով աշխատաւոր դժբախտ հայ ժողովուրդը, չէզոքացնել յեղափոխական շարժումը Կովկասում:

Ո՞վ կարող է ժխտել, որ «ակտիվ մասնակցութիւն» ունեցել է միայն մեր անաբոյս բերօղրատիան, որ արտայայտուել է նրանով, որ՝ նստած հեռու ապահով Կովկասում՝ նա միշտ միջամտել է տաճկահայերի ներքին գործերի մէջ, սպանել է թիւրքահայերի մէջ ինքնագործունէութիւնը, ինքնավստահութիւնը և նախաձեռնութեան ոգին, սովորեցրել է նրանց միայն հրամաններ ի կատար ածել և խնամակալութեան տակ գտնուել: Ո՞վ կարող է ժխտել, որ այդ կուշտ ու անհոգ բերօղրատիայի թելադրած տակտիկան չէր, որ ճակատագրական անաջողութիւնների դուռը բացեց տաճկահայ ազատագրական շարժման համար:

Եւ այս ամենը չէ նշանակում, թէ մենք պէտք է ժխտենք տաճկահայ խնդիրը: Երբէք և երբէք: Բոլոր երկիրների աշխատաւոր ժողովուրդները իրար եղբայրներ են: Եղբայրը չի կարող սառնասիրտ նայել իր վի-

րաւոր եղբոր վրայ: Բոլոր երկրների աշխատաւոր ժողովուրդները պէտք է որ ձեռք մեկնէին իրանց արնաքամ եղբորը, տաճկահայ ժողովրդին: Եթէ այդ չի կատարոււմ այս րոպէիս—դորա համար կարելի է միայն ցաւել և խորը ցաւել: Բայց դուցէ դա հասկանալի է. նրանք շատ հեռու են տաճկահայ ժողովրդից, շատ հեռու են ոչ միայն տարածութեամբ, այլ և իրանց կեանքի պայմաններով, նրանք չեն հասկանում տաճկահայ ժողովրդի գերմարդկային տանջանքները: Չէ՞ որ նրանք երբէք չեն զգացել այդ տանջանքները: Բայց մենք կովկասահայերս, մենք, որ մի ժամանակ ապրել ենք տաճիկ և պարսիկ դաժան լուծի տակ, մենք որ նոր ենք միայն սկսել փոքր ի շատէ ազատ շունչ քաշել, մենք շատ թէ քիչ հասկանում ենք տաճկահայերի դրութիւնը: Եւ մենք կովկասահայ աշխատաւորներս չենք կարող օգնութեան ձեռք չը մեկնել մեր տաճկահայ եղբայրներին, բայց միայն օգնութեան. մենք իրաւունք չունենք միջամտելու, խտնուելու նրանց ներքին գործերի մէջ, որովհետեւ մենք թէև հասկանում ենք նրանց ընդհանուր դրութիւնը, բայց ծանօթ չենք երկրի կօնկրետ պայմանների հետ, որի շնորհիւ և մենք փչացնում ենք նրանց գործը. որովհետեւ դրանով մենք կանգնում ենք սայթաքման այն քարի վրայ, որը գլորում է թէ կովկասահայ աշխատաւոր ժողովրդին և թէ տաճկահայերին կովկասահայ բուրժուազիայի գերիւր, որը դէպի կորուստն է տանում թէ մեզ, թէ նրանց:

Մենք պէտք է իմանանք վերջապէս, որ նստած կովկասում՝ մենք չենք կարող ակտիվ մասնակցութիւն ունենալ տաճկահայ շարժման մէջ, որ ակտիվ մասնակցութիւն ունենալու իրաւունք ունեն միայն այն կովկասահայերը, որոնք ամբողջովին տրուած տաճկահայ

դործին՝ կուռում են երկրում տաճկահայերի շարքերում:  
 Փամանակ է վերջապէս բարձրաձայն ասել այն  
 ամենը, ինչ մենք թագցրել ենք մինչև հիմայ կուսակ-  
 ցական կեղծ պատուասիրութիւնից դրդուած: Փամա-  
 նակ է, որովհետև այդ թագցնելը դէպի կորուստն է տա-  
 նում մեզ: Փամանակ է, քանի որ հայ ժողովրդի յետա-  
 մնացութիւնը այժմ աւելի քան պարզ է ամենքի հա-  
 մար, բացի այն բուրժուաօրէն մտածողներէ, որոնք  
 սիրում են կրկնել հայ բուրժուազիայի ինքնահաւան  
 ֆրազները, «թէ մենք հայերս» կուլտուրայէս բարձր  
 ենք մեր բոլոր հարեաններից, թէ «տուտուց վրացի-  
 ները» ինչ են որ՝ մեզ հետ համեմատած: Փամանակ է  
 հասկանայ, որ այո, հայ բուրժուազիան իրաւունք ունի  
 ասելու, թէ ինքը բարձր է «վրացիներից», որովհետև  
 նրանք չեն կարողանում մրցակիցներ դուրս բերել հայ  
 բուրժուազիայի դէմ, բայց հայ աշխատաւոր ժողովուրդը  
 պէտք է վերջապէս հատկանայ, որ ինքը և բուրժուա-  
 զիան—դա համանիշ, միևնոյն հասկացողութիւնները  
 չեն և եթէ հայ բուրժուազիան ուժեղ է վրացական  
 բուրժուազիայից, դա չէ նշանակում, թէ հայ աշխա-  
 տաւոր ժողովուրդն էլ բարձր է վրաց ժողովրդից: Եթէ  
 բուրժուազիան «մենք» ասելով, որպէս տիրող դասակարգ  
 չէ ուզում ժողովրդին բաժանել իրանից, իր շահերը նրա  
 շահերից, այդ դեռ չէ նշանակում, որ մենք էլ պէտք է  
 թուխակի պէս կրկնենք այդ բուրժուական տեսակէտը:  
 Մեր քաղաքական հասունութիւնը չափազանց  
 յետ մնաց, մենք կուլտուրայէս չափազանց յետ մնա-  
 ցինք, և այդ հէնց նրանց շնորհիւ, որոնք այնքան գոռում  
 գոչում էին հայկական ինքնութիւնը կուլտուրայի մա-  
 սին: Ընկնելով բուրժուական «կուլտուրայի» յետևից,  
 մենք ձեռք չը բերինք իսկական կուլտուրան:

Մենք՝ աշխատաւորներս ոչ միայն դէմ չենք, ոչ  
 միայն չենք կարող դէմ լինել ազգային կուլտուրային,  
 այլ ընդհակառակն հէնց մենք ենք, որ ամենից շատ  
 ենք շահագրգռուած մայրենի լեզուի, դպրոցի, գրա-  
 կանութեան բարգաւաճման մէջ, որովհետև, եթէ նը-  
 բանք՝ բուրժուաները գիտեն օտար հարուստ լեզուներ,  
 եթէ նրանք հնարաւորութիւն ունեն օգտուել եւրո-  
 պական հարուստ կուլտուրայի բարիքներից, մենք  
 աշխատաւորներս ոչ մի լեզու չը գիտենք, բացի մայ-  
 րենի լեզուից, մենք ոչ մի կուլտուրայից օգտուելու հնա-  
 բաւորութիւն չունենք, բացի մայրենի կուլտուրայից:  
 Մենք ամենաշեղծ պաշտպաններն ենք ազգային  
 կուլտուրային, բայց մենք այդ կուլտուրան որոնում  
 ենք ոչ միայն սահմանից այն կողմ, ինչպէս բուր-  
 ժուազիան, որ կուլտուրա խօսքի տակ բոլորովին  
 ուրիշ բան է հասկանում, այլ ամենուրեք, ուր մենք  
 ապրում ենք: Երբ բուրժուազիան ասում է, թէ մենք  
կովկասում ապագայ չունենք, նա իր՝ բուրժուական  
 տեսակէտից խաչ է քաշում մեզ վրայ, բայց մենք  
 խաչ չենք քաշում մեզ վրայ, մենք՝ աշխատաւորներս  
 մի վայրկեան անգամ չենք կասկածում, որ մենք պիտի  
 փշրենք ամեն տեսակի բռնապետական հակաժողովրդ-  
 ական կարգերը և նրանց տեղ պիտի հաստատենք  
աշխատաւորների քրտինքի արդիւնքը երաշխաւորող  
ժողովրդապետութիւնը:  
 Եւ եթէ այսօր հարածուած է մեր լեզուն, մեր  
 դպրոցը, մեր գրականութիւնը—վաղ թէ ուշ մենք յետ  
 կը խլինք մեր բոլոր իրաւունքները, որովհետև չը  
 կայ այս աշխարհում բռնապետութիւն, որը չը կոր-  
 ծանուի ժողովրդական միահամուռ ջանքերի հարուած-  
 ների տակ:

Եւ արդէն իսկ մենք շատ բան փշրել ենք, շատ բան յետ ենք ստացել, բայց յետ ստանալով, մենք այն յանձնել ենք մի ուրիշ թըշնամու՝ բուրժուազիային և կղերականութեանը: Պէտք է փշրել նաև մեզ վրայ տիրապետող բուրժուա կղերական այդ ատելի լուծը, պէտք է խլել նրանց ձեռքից մեր՝ աշխատաւորներիս արիւնով գնուած ժողովրդական դպրոցը, գրականութիւնը, ժողովրդական հարստութիւնը և հաստատել մեր կեանքում իսկական ժողովրդապետութիւնը:

Ազատագրումն բուրժուական-կղերական կապանքներից—ահա այն մեծ խնդիրը, այն մեծ պրօբլեմը, որի լուծմանը այսօր հայ ժողովուրդը պիտի տրուի մի ուժեղ թափով...

Իսկ զորա համար մենք՝ աշխատաւորներս պէտք է սահման գծենք մեր և տիրող գասակարգերի մէջ: Իաշնակցութիւնը, որի մէջ այսօր համահաւասար կերպով տեղ ունեն թէ աշխատաւորը և թէ բուրժուան, թէ գիւղացին և թէ վաշխաւուն, թէ տիրացուն և թէ տէրտէրը—Իաշնակցութիւնը պէտք է դադարէ միջգասակարգային նեխուած հակաառաջադիմական մի կազմակերպութիւն լինելուց: Իաշնակցութիւնը պէտք է լինի միայն և միմիայն աշխատաւորների դատակարգային կուսակցութիւնը:

Ի՞նչպէս:

Մեր բայօնական ժողովները ահա քանի քանի անգամն է, որ վճիռներ են կայացնում Իաշնակցութիւնը մաքրել, դտել բուրժուական տարրերից: Սակայն ոչինչ չի փոխուած և բուրժուա տարրերը մնում են իրանց տեղը:

Ինչո՞ւ:

Որովհետև բուրժուաներին հեռացնելու վճիռը կայացնում են... հէնց իրանք բուրժուաները:



... Ճիշտ այնպէս, ինչպէս ուստական բիւրօկրատիան ուզում է ոչնչացնել բիւրօկրատիզմը Ռուսաստանում:

Բայց ժամանակ է հասկանալ, որ այդ բոլորը դաշնակցական բիւրօկրատիան անուծ է լոկ ամեն կողմից լաւող բողոքող ձայների ազդեցութեան տակ՝ այդ ձայները քնացնելու նպատակով միայն:


Որ Իաշնակցութեան ազատագրումը բուրժուական տիրապետութիւնից պէտք է տեղի ունենայ ոչ թէ վերևից, այլ ներքևից, որ մենք աշխատաւորներս պէտք է ինքներս կազմակերպուենք և մի ոյժգին գրոհով վերականգնենք մեր իրաւունքները:

Մենք այս բարեխօսեան ժխտրի մէջ չենք էլ կարողանում որոշել, թէ ո՞վ է մեր թշնամին և ո՞վ է մեր բարեկամը—այնքան նուրբ է մեր թշնամի դասակարգի քաղաքականութիւնը, բայց երբ մենք աշխատաւորներս կիրականացնենք դատաւարգային սկզբունքը կեանքի մէջ և պատերազմ կը հրատարակենք տիրող գասակարգերին, այն ժամանակ մեր բոլոր թշնամի տարրերը ճէնց իրանք բարւոք կը համարեն մնաս բարով ասելու մեզ և մեր դատակարգային կուսակցութեանը—Իաշնակցութեանը:

Եւ այն ժամանակ միայն մենք կարող ենք փշրել մեր մտածողութիւնը կաշկանդող բուրժուական իդէօլօգիան և կանգնել դատակարգային ազատարար-յեղափոխական ճանապարհի վրայ:



С. И. ПЕТРОВСКИЙ  
И. И. ПЕТРОВСКИЙ  
ПОСЛ. ЧИТАЛ. С. И. ПЕТРОВСКИЙ  
СПЕЦИАЛЬНЫЙ ОТДЕЛ





«Ազգային գրադարան»



NL0264762

5473

9(47925)

U-52